

T 713/4118.2 (2)

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

MAR 24 1958

1

Harvard College Library Imaging Services <http://imaging.harvard.edu>

CM 0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	50/-5/-22	43/-14/21	55/-9/-25	71/-32/0	29/19/-54	55/-39/33	40/9/-43	52/48/17	31/21/-21	51/50/-13	50/-28/-29			
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	51/50/-13	50/-28/-29					

春秋左傳杜注卷第二

春秋左傳杜注卷第二

華亭姚培謙學

哈佛大學哈佛燕京圖書館珍藏印

桓公 名軌惠公之子隱公之弟母仲子史記亦名允謚法辟土服遠曰桓

經元年春王正月公即位 嗣子位定于初喪而改元必須踰年者繼父之業成父之志不忍有變于中年

也諸侯每首歲必有禮於廟諸遭喪繼位者因此而改元正位百官以序故國史亦書即位之事於策桓公篡立而用常禮欲自同于遭喪繼位者釋例論之

備矣 ○三月公會鄭伯于垂鄭伯以璧假許田 ○夏

四月丁未公及鄭伯盟于越 公以篡立而修好於鄭鄭因而迎之成禮于垂終易二田然後結盟

垂犬邱衛地也越近垂地名鄭求祀周公魯聽受祊田令鄭廢泰山之祀知其非禮故以璧假為文時之所隱○越當在山東兗州府曹州附近

秋大水 書災也傳例曰凡平原出水為大水○家氏鉉公曰不書月槩一秋而言也傷人害物而後書 ○冬十月

傳元年春公即位修好于鄭鄭人請復祀周公卒

易祊田事在隱八年復扶又反公許之三月鄭伯以璧假許田為

周公祊故也魯不宜聽鄭祀周公又不宜易取祊田犯三不宜以動故隱其實不言祊稱璧假言若進璧以假田非久易也為去聲

○夏四月丁未公及鄭伯盟于越結祊成也結成易二田之

盟曰渝盟無享國渝變也

○秋大水凡平原出水為大水廣平曰原

○冬鄭伯拜盟鄭伯若自來則經不書若遣使則當言鄭人不得稱鄭伯疑謬誤

○宋華父督見孔父之妻于路華父督宋戴公孫也孔父目嘉孔子六世祖華去聲

逆而送之曰美而豔色美曰豔豔以贍反

經二年春王正月戊申宋督弒其君與夷及其大

夫孔父稱督以弒罪在督也孔父稱名者內不能治其閭門外取怨于民身死而禍及其君啖氏助曰孔字父美稱也孔氏之先皆以字

連父故有弗父金父若孔為氏豈世世改乎又春秋時名嘉者多字孔是其證也顧氏炎武曰按家語本姓篇宋襄公熙生弗父何何生宋父周周生世子勝

勝生正考父考父生孔父嘉其後以孔為氏然則仲尼氏孔正以王父之子劉原父以為已名其君于上則不得字其臣于下竊意春秋諸侯卒必書名而大

夫則命卿稱字無生卒之別亦未嘗以名字為尊卑之分桓十七年蔡侯封人卒蔡季自陳歸于蔡名其君於上字其臣於下也昭二十二年劉子單子以王猛

居于皇劉子單子以王猛入于王

○滕子來朝無傳隱十一年稱侯今稱子者蓋時王所黜孔疏

○三月公會齊侯陳侯鄭伯于時東周雖微猶為天下共主尚得命邾為諸侯明能黜滕為子爵

于稷以成宋亂成平也宋有弒君之亂故為會欲以平之稷宋地當在今河南歸德府境

○夏四月取郟大鼎于宋戊申納于大廟宋以鼎賂公大廟周公廟也始欲平宋之亂終于受

賂故備書之戊申五月十日○大音秦 ○秋七月杞侯來朝公即位而來朝○杞公毅作紀程子曰凡杞稱侯者

皆當為紀杞爵 ○蔡侯鄭伯會于鄧潁川名陵縣西南有鄧城○名陵縣即今河南開封府鄆

城縣是也縣東南三十五里有鄧襄城 ○九月入杞不稱主帥微者也弗地曰入○帥所類反 ○公及戎

盟于唐冬公至自唐傳例曰告于廟也特相會故致地也凡公行還

於正君書 勞策勳

傳二年春宋督攻孔氏殺孔父而取其妻公怒督

懼遂弑殤公君子以督為有無君之心而後動於

惡雖有君若無也故先書弑其君○公羊傳孔父可謂義形于色矣其義形于色奈何督將弑殤公孔父生而存則殤

公不可得而弑也故于是先攻孔父之家殤公知孔父死已必死趨而救之皆死焉孔父正色而立于朝則人莫敢過而致難于其君者孔父可謂義形于色

矣按孔父有扞君之節而左氏不書故備錄公羊之說以著其實

○會于稷以成宋亂為賂故立華氏也經稱平宋亂者蓋以魯君受賂

立華氏貪縱之甚惡其指斥故遠言始與齊陳鄭為會之本意也傳言為賂故立華氏明經本書平宋亂為公諱諱在受賂立華氏也猶壁假許田為周公祊故所謂婉而成章督未死

而賜族督之妄也○為賂去聲 宋殤公立十年十一戰殤公以隱四年

立十一戰皆在隱公世 民不堪命孔父嘉為司馬督為太宰故因

民之不堪命先宣言曰司馬則然言公之數戰則司馬使爾嘉孔父字○數音朔

已殺孔父而弑殤公召莊公于鄭而立之以親鄭

莊公公子馮也隱三年出居于鄭馮入宋不書不告也 以郟大鼎賂公郟國所造器也故繫名於郟城○郟有二城北郟城則為郟國又南二里曰南郟城

則為宋邑隱十年取郟是也俱在山東兗州府城武縣 齊陳鄭皆有

賂故遂相宋公

○夏四月取郟大鼎于宋戊申納于太廟非禮也

臧哀伯諫曰臧哀伯魯大夫僖伯之子君人者將昭德塞違以臨照

百官猶懼或失之故昭令德以示子孫是以清廟

茅屋以茅飾屋著儉也清廟肅然清靜之稱也大路越席大路玉路祀天車也越席結草○越音活大羹不

致大羹肉汁不致五味粢食不鑿黍稷曰粢不精鑿○粢音咨食音嗣昭其

儉也此四者皆示儉衮冕黻珽衮畫衣也冕冠也黻韋鞞以蔽膝也珽玉笏也若今吏之持簿○珽他頂反鞞音必持簿手版

也帶裳幅舄帶革帶也衣下曰裳幅若今行滕者舄履○幅音逼衡紃紃紃衡維持冠者紃纒從下而上者紃冠上覆○紃纒從下而上者紃冠上覆○紃纒從下而上者紃冠上覆

統多敢反紃獲耕反紃音延昭其度也尊卑各有制度藻率鞞鞞藻率各鞞鞞率

以韋為之所以藉玉也王五采公侯伯三采子男二采鞞佩鞞紳帶也一名大帶屬大帶之垂者游旌旗之游纒在馬膺前如索帚○鞞步于反游旌同鞞厲游纒

龍黼黻火畫火也龍畫龍也白與黑謂之黼形若斧黑與青謂之黻兩已相戾昭其文也以文章明貴賤五

色比象昭其物也車服器械之有五者皆以比象天地四方以示器物不虛設錫鸞和鈴

昭其聲也錫在馬額鸞在鑣和在衡鈴在旂動皆有鳴聲○錫音揚馬面當盧三辰旂旗昭其明

也三辰日月星也畫於旂旗象天之明夫德儉而有度登降有數登降謂上下尊卑文物

以紀之聲明以發之以臨照百官百官於是乎戒

懼而不敢易紀律今滅德立違謂立華督違命之臣而寘其賂器

於太廟以明示百官百官象之其又何誅焉國家

於太廟以明示百官百官象之其又何誅焉國家

之敗由官邪也。官之失德，寵賂章也。郕鼎在廟，章孰甚焉？武王克商，遷九鼎于雒邑。

九鼎殷所受夏九鼎也。武王之又遷九鼎焉。時但營洛邑，未有都城。至周公乃卒營雒邑，謂之王城。即今河南城也。故傳曰：成王定鼎于郊，鄩音洛。今河南河南府洛陽縣城內西偏，即王城故址。

義士猶或非之。蓋伯夷之屬而况將昭違亂之賂

器於大廟，其若之何？公不聽。周內史聞之，曰：臧孫

達，其有後於魯乎？君違，不忘諫之，以德。

內史，周大夫官也。僖伯諫隱觀

魚，其子哀伯諫桓納鼎，積善之家，必有餘慶。故曰：其有後于魯。

○秋七月，杞侯來朝，不敬。杞侯歸，乃謀伐之。

○劉氏敬曰：左氏誤紀為杞，遂生不敬之說。汪氏克寬曰：蓋因僖二十七年春，杞子來朝，秋公子遂帥師入杞，而附會其說耳。

○蔡侯鄭伯會于鄧，始懼楚也。楚國今南郡江陵縣北。紀南城也。楚武王始僭號稱王，欲害中國。蔡鄭姬姓，近楚，故懼而會謀。○江陵縣今屬湖廣荊州府。紀南城在府北十里。

○九月，入杞，討不敬也。

○公及我盟于唐，修舊好也。惠隱之好○冬，公至自唐，告

于廟也。凡公行，告于宗廟，反行，飲至，舍爵策勳焉。

禮也。爵，飲酒器也。既飲，置爵，則書勳勞于策。言速紀有功也。○舍，去聲。特相會，往來稱地，讓事

也。特相會，公與一國會也。會必有主，二人獨會，則莫肯為主。兩讓會事不成，故但書地。自參以上，則往稱地

來稱會，成事也。成會事。○參，七南反。上聲。

○初，晉穆侯之夫人姜氏，以條之役生太子，命之

桓公

五

曰仇

條晉地。天子文侯也。意取于戰相仇怨。史記穆侯七年伐條。今山西平陽府解州安邑縣有中條山。縣北三十里有鳴條岡。仇音求。

其弟以千畝之戰。生命之曰成師。

桓叔也。西河界休縣南。有地名千畝。意取能成。

其眾。穆侯十年伐千畝。有功。界休縣。今屬山西汾州府。顧氏炎武曰。穆侯時。晉境不得至界休。按史記趙世家正義曰。千畝原在晉州岳陽縣北九十里。岳陽縣今屬平陽府。

師服曰。異哉。君之名子也。師服。晉大夫。夫名以制

義。名之必。義以出禮。禮從。義出。禮以體政。政以禮成。政以正民。是以

政成而民聽。易則生亂。反易禮義。則亂生也。嘉耦曰妃。妃。讀配。怨耦

曰仇。古之命也。自古有此言。今君命太子曰仇。弟曰成師。

始兆亂矣。兄其替乎。穆侯愛少子桓叔。俱取於戰。以為名。所附意。異故。師服知桓叔之黨。必盛於晉。以傾宗國。

故因名。以諷諫。惠之二十四年。晉始亂。故封桓叔于曲沃。惠魯。惠公。

也。晉文侯卒。子昭侯元年。危不自安。封成師為曲沃伯。公孫為傅相。○藥。力官反。靖侯之孫藥。賓傅之。靖侯。桓叔之高祖。父言得貴寵。

師服曰。吾聞國家之立也。本大而末小。是

以能固。故天子建國。立諸侯也。諸侯立家。卿大夫稱家。卿置側室。

側室。眾子也。得立此一官。大夫有貳宗。適子為小宗。次者為貳宗。以相輔貳。○卿立。庶子之長。以為側室。大夫立大宗之次子。以為

士有隸子弟。士卑。自以其子弟為僕隸。庶人工商各

有分親。皆有等衰。庶人無復尊卑。以親疏為分別也。衰。殺也。○分扶。問反。親。七刃反。衰。初危反。是以民

服事其上。而下無覬覦。下不冀望上位。○覬。音冀。覦。羊朱反。今晉甸侯也。而

建國本既弱矣。其能久乎。諸侯而在。甸服者。惠之三十年。晉

潘父弒昭侯。而納桓叔。不克。潘父。晉大夫也。昭侯。文侯子。晉人立孝

侯昭侯子也惠之四十五年。曲沃莊伯伐翼，弑孝侯。莊伯桓叔子翼

晉國所都翼人立其弟鄂侯。鄂侯生哀侯。鄂侯以隱五年奔隨，其

哀侯侵陘庭之田。陘，庭翼南鄙邑。陘音刑。翼即今平陽府翼城縣，縣東南七十五里有熒庭城，志云即陘庭也。

庭南鄙，啓曲沃伐翼。

經三年春正月，公會齊侯于贏。經之首時必書王，明此歷天

失不班歷故不書王。贏，齊邑。今泰山贏縣。陸氏隴其曰：穀梁以為桓無王，故不

書王。杜氏以為王不班歷故不書王。劉炫以為闕文。三說者未敢定為孰是。但劉

氏據子朝之亂，王位且未定，何能班歷而亦書王。駁

得甚是。贏縣故城在今山東泰安府東南五十里。○夏，齊侯、衛侯、胥

命于蒲。申約言以相命而不歃血也。蒲，衛地在陳留長垣○六月，公

會杞侯于郕。杞公。羊作紀。○秋七月壬辰朔，日有食之。既

無傳，既盡也。歷家之說謂日光以望時，遙奪月光，故月食。日月同會，月掩日，故日食。食有上下者，行有高下。日光輪存而中食者，相掩密，故日光溢出。皆既者，正相當而相掩間疏也。然聖人不言月食日，而以自食為文者，闕於所不見。○公子翬如齊，逆女。禮君有故

則使卿逆九月，齊侯送姜氏于謹。謹，魯地，濟北蛇邱縣西，有下謹亭。已去齊國，故不言女。未至于魯，故不稱

夫人。○蛇以支反。○下謹，故城在今濟南府肥城縣西南。水經注云：俗訛為夏暉城。公會齊侯于謹。夫人

姜氏至自齊。無傳，告於廟也。不言翬以至者，齊侯送之，公受之於謹。○冬，齊侯使其弟

年來聘。○有年。無傳。五穀皆熟，書有年。

傳三年春，曲沃武公伐翼，次于陘庭。韓萬御戎，梁

弘為右。武公，曲沃莊伯子也。韓萬，莊伯弟也。御戎，僕也。右，戎車之右。逐翼侯于汾隰。

汾水出山西太原府靜樂縣西南，至府城西。水邊。駿絰而止。駿，駢馬。音畫。夜獲

東南流，經汾州平陽二府，至滎河縣北入河。

之及欒共叔

共叔桓叔之傳欒賓之子也身傳翼侯父子各殉所奉之主故并見獲而死○共音恭

○會于贏成昏于齊也

公不由媒介自與齊侯會而成婚非禮也

○夏齊侯衛侯胥命于蒲不盟也

○公會杞侯于郕杞求成也

二年入杞故今來求成○汪氏克寬曰程子云杞稱侯皆當為紀左

傳云杞求成豈因入杞而傳會其說與高氏閔曰紀侯懼齊欲親魯郕亦然

○秋公子翬如齊逆女脩先君之好故曰公子

昏禮雖奉

時君之命其言必稱先君以為禮辭故公子翬逆女傳稱脩先君之好公子遂逆女傳稱尊君命互舉其義○陳氏際泰曰翬帥師不氏安知翬非未賜族乎至逆女始稱公子安知非桓德而賜之乎齊侯送姜氏非禮也凡公女嫁于

敵國姊妹則上卿送之以禮於先君公子則下卿

送之於大國雖公子亦上卿送之於天子則諸卿

皆行公不自送於小國則上大夫送之

○冬齊仲年來聘致夫人也

古者女出嫁又使大夫隨加聘問存謙敬序殷勤也在魯而出則曰

致女在他國而來則總曰聘故傳以致夫人釋之

○芮伯萬之母芮姜惡芮伯之多寵人也故逐之

出居于魏

為明年秦侵芮張本芮國在馮翊臨晉縣魏國河東河北縣西岸括地志魏故國在芮城縣北五里今山西平陽府解州芮城縣河北故城是也

經四年春正月公狩于郎

冬獵曰狩行三驅之禮得田狩之時故傳曰書時禮也周之春夏之冬也

○夏天王使宰渠伯糾來聘

宰官渠氏伯糾名也王官

田狩從夏時郎非國內之狩地故書地

○夏天王使宰渠伯糾來聘

糾名也王官

之宰當以才授位而伯糾攝父之職出聘列國故書名以譏之國史之記必書年以集此公之事書首時以成此年之歲故春秋有空時而無事者今不書秋冬首月史闕文他皆放此○張氏洽曰渠采地伯糾糾名也為天子之冢宰而不能詔王以八柄馭羣臣乃親奉命來聘魯桓故貶而名之糾居黜反

傳四年春正月公狩于郎書時禮也郎非狩地故唯時合禮

○夏周宰渠伯糾來聘父在故名

○秋秦師侵芮敗焉小之也秦以芮小輕之故為芮所敗○冬王師

秦師圍魏執芮伯以歸三年芮伯出居魏芮更立君秦為芮所敗故以芮伯歸將欲納之

經五年春正月甲戌己丑陳侯鮑卒未同盟而書名者來赴以名故也甲戌前

年十二月二十一日己丑此年正月六日陳亂故再赴赴雖日異而皆以正月起文故但書正月慎疑審事故從赴兩書○鮑步鮑反○夏齊

侯鄭伯如紀外相朝皆言如齊欲滅紀紀人懼而來告故書○天王使仍叔之子

來聘仍叔天子之大夫稱仍叔之子本於父字幼弱之辭也譏使童子出聘○公羊傳父老子代從政也○葬陳桓公

無傳○城祝邱無傳齊鄭將襲紀故祝邱注見莊四年○秋蔡人衛人陳人從王

伐鄭王自為伐鄭之主君臣之辭也王師敗不書不以告○大雩傳例曰書不時也失龍見之時○程子曰大雩雩于上帝用盛樂也

諸侯雩于境內之山川耳○冬州公如曹無傳蝮蟻之屬為災故書○蝮相容反蟻相魚反○蝮蟻蝗類

不書奔以朝出也為下寔來書也曹國今濟陰定陶縣○程子曰州公嘗為王三公故稱公定陶縣今屬山東兗州府縣西北四里有定陶故城即曹國也

傳五年春正月甲戌己丑陳侯鮑卒再赴也於是

陳亂文公子佗殺大子免而代之佗桓公弟五父也稱文公子明佗非桓公母弟也免

桓公大子○佗公疾病而亂作國人分散故再赴趙氏

大何反免音問有正當禍亂之時而暇競使人赴告哉假令寔再赴夫子亦當詳定其寔日何乃總裁之乎且傳云公疾而難作此文亦據陳國史而記之驗此則經文甲戌

下當記陳佗作亂之事全簡脫之耳

○夏齊侯鄭伯朝于紀欲以襲之紀人知之

○王奪鄭伯政鄭伯不朝奪不使知王政秋王以諸侯伐鄭

鄭伯禦之王為中軍虢公林父將右軍蔡人衛人

屬焉虢公林父王卿士○將去聲周公黑肩將左軍陳人屬焉黑肩周桓公也

鄭子元請為左拒以當蔡人衛人子元鄭公子拒方陳○拒俱甫反為右

拒以當陳人曰陳亂民莫有鬪心若先犯之必奔

王卒顧之必亂蔡衛不枝固將先奔不能相枝持也既而萃

於王卒可以集事從之萃聚也集成也曼伯為右拒曼伯檀伯祭仲

足為左拒原繁高渠彌以中軍奉公為魚麗之陳

先偏後伍伍承彌縫司馬法車戰二十五乘為偏以車居前以伍次之承偏之隙而彌縫闕漏也五人為伍此蓋魚

麗陳法○麗平聲戰于緇葛緇葛鄭地命二拒曰旂動而鼓旂通帛為

之王卒大敗祝聃射王中肩王亦能軍雖軍敗身傷猶殿而不奔故言

祝聃請從之公曰君子不欲多上人况敢

陵天子乎苟自救也社稷無隕多矣鄭於此收兵自退○隕于敏反夜

鄭伯使祭足勞王且問左右祭足即祭仲之字蓋名仲字仲足也勞王問左右言鄭志在苟免王

討之非也○林氏堯叟曰

以王討為非未是勞去聲

○仍叔之子弱也

仍叔之子來聘童子將命無速反之心久留在魯故經書夏聘傳釋之於末秋○按此或是傳文倒置耳

○秋大雩書不時也

十二公傳唯此年及襄二十六年有兩秋此發雩祭之例欲顯天時以指事故重言秋異于凡

事○按周禮司巫國大旱則帥巫而舞雩然則因旱而雩亦是常禮注氏克寬謂實以旱書而併著其儲其義為長重直用反

凡祀啓蟄

而郊

言凡祀通下三句天地宗廟之事也啓蟄夏正建寅之月祀天南郊○蟄直立反

龍見而雩

龍見建巳之月蒼龍宿之

體昏見東方萬物始感待雨而大故祭天遠為百穀祈膏雨○見賢遍反宿音秀

始殺而嘗

建酉之月陰氣始殺嘉穀始熟故薦嘗於

宗閉蟄而烝

建亥之月昆蟲閉戶萬物皆成可薦者衆故烝祭宗廟釋例論之備矣

過則書

卜日有吉否過

次節則書以譏慢也○孔疏下不吉則當改卜次句下不過三故限以一月過涉次月之節則書之以譏其慢

○冬淳于公如曹度其國危遂不復

淳于州國所都城陽淳于縣也國有危難

不能自安故出朝而遂不還○淳于注詳隱四年

經六年春正月寔來

寔實也不言州公者承上五年冬經如曹間無異事省文從可知

○夏四

月公會紀侯于成

成魯地在泰山鉅平縣東南○今山東兗州府寧陽縣東北九十里有故城社即古城也

秋八月壬午大閱

齊為大國以戎事徵諸侯之成嘉美鄭忽而忽欲以有功為班怒而訴齊魯人懼之故以非時簡車馬

○蔡人殺陳佗

佗立踰年不稱爵者篡立未會諸侯也傳例在莊二十二年○陳厲公蔡出也故蔡人殺五父而立之見莊二

十二年傳程氏端學曰春秋有一事見一義者不必兼首尾其餘有首必有尾有尾必有首所謂屬辭比事者也蔡人殺陳佗事之尾也而首不經見五年正月

甲戌之下趙謂當記陳佗作亂事豈其然乎

○九月丁卯子同生

桓公子莊公也十二年公唯子同是適夫人

之長子備用太子之禮故史書之於策不稱太子者書始生也

○冬紀侯來朝

傳六年春自曹來朝書曰寔來不復其國也

亦承五年冬傳

淳于公如曹也言奔則來行朝禮言朝則遂留不去故變文言寔來

○楚武王侵隨

隨國今義陽隨縣。今湖廣德安府隨州是也。古城在州南。

使遠章求成

焉。遠章楚大夫。○遠于委反。

軍於瑕以待之。

瑕隨地。

隨人使少師董成

少師隨大夫董正也。○少去聲。

鬬伯比言於楚子曰

吾不得志於漢東

也。我則使然。

鬬伯比楚大夫。令尹子文之父。

我張吾三軍而被吾甲兵

以武臨之。彼則懼而協以謀我。故難間也。漢東之

國隨為大。隨張必棄小國。

張自侈大也。○張去聲。

小國離楚之利

也。少師侈。請羸師以張之。

羸弱也。○羸劣追反。

熊率且比曰。季

梁在何益。

熊率且比楚大夫。季梁隨賢臣。○率音律。且子余反。

鬬伯比曰。以為後圖

少師得其君。

言季梁之諫不過一見從隨侯卒當以少師為計。故云。以為後圖。二年蔡侯鄭伯會于鄧。始懼楚楚子自此遂盛。

終於抗衡中國故傳。備言其事以終始之。

王毀軍而納少師。

從伯比之謀。

少師歸。請追

楚師。隨侯將許之。

信楚弱也。

季梁止之曰。天方授楚楚之

羸。其誘我也。君何急焉。臣聞小之能敵大也。小道

大淫。所謂道忠於民而信於神也。上思利民。忠也。

祝史正辭。信也。

正辭不虛。稱君美。

今民餒而君逞欲。

逞快也。

祝史

矯舉以祭。臣不知其可也。

詐稱功德。以欺鬼神。

公曰。吾牲牷肥腍。

粢盛豐備。何則不信。

牲牛羊豕也。牲純色完全也。腍亦肥也。黍稷曰粢。在器曰盛。○牲音全。腍徒忽反。盛音成。對

曰。夫民神之主也。

言鬼神之情。依民而行。

是以聖王先成民而後

致力於神。故奉牲以告曰。博碩肥腍。謂民力之普

存也。博廣也。碩大也。謂其畜之碩大蕃滋也。謂其不疾癘蠱

也。謂其備腠咸有也。雖告神以博碩肥腠其實皆當兼此四謂民力適完則六畜既大而滋也。皮毛無疥癘兼

備而無有所闕。畜吁又反。癘七木反。蠱力果反。說文作癘云癘癘皮肥也。奉盛以告曰絜粢豐盛謂

其三時不害而民和年豐也。三時春夏秋奉酒醴以告曰

嘉粟旨酒。嘉善也。粟謹敬也。謂其上下皆有嘉德而無違心

也。所謂馨香無讒慝也。馨香之遠聞故務其三時脩其五

教。父義母慈兄友弟恭子孝親其九族以致其禋祀。禋潔敬九族謂外祖父外

姑之子姊妹之子女子之子并己之同族皆外親有服而異族者也。於是乎民和而神降之福

故動則有成。今民各有心而鬼神之主。民饑餒也君雖獨

豐其何福之有。君姑脩政而親兄弟之國庶免於難。隨侯懼而脩政楚不敢伐。

○夏會于成紀來諮謀齊難也。齊欲滅紀故來謀之

○北戎伐齊齊侯使乞師于鄭鄭太子忽帥師救

齊六月大敗戎師獲其二帥大良少良甲首三百

以獻於齊。甲首被甲者首於是諸侯之大夫戍齊齊人饋之

餼。生曰餼。餼許器反。使魯為其班後鄭。班次也。魯親班齊饋則亦使大夫戍齊矣。經不書蓋史闕文

鄭忽以其有功也怒故有郎之師。郎師在十年公之未昏

於齊也齊侯欲以文姜妻鄭太子忽太子忽辭人

問其故太子曰人各有耦齊大非吾耦也詩云自

求多福詩大雅文王言求福由己非由人也在我而已大國何為君子曰善

自為謀言獨潔其身謀不及國及其敗戎師也齊侯又請妻之欲以他女

之固辭人問其故太子曰無事於齊吾猶不敢今以

君命奔齊之急而受室以歸是以師昏也民其謂

我何言必見恠于民遂辭諸鄭伯假父之命以為辭為十一年鄭忽出奔衛傳

○秋大閱簡車馬也

○九月丁卯子同生以太子生之禮舉之接以太

牢大牢牛羊豕也以禮接夫人重適也陳氏澔曰以大牢之禮接見其子卜士負之士妻食之禮世子生

三日卜士負之射人以桑弧蓬矢射天地四方卜士之妻為乳母○食音嗣公與文姜宗婦命之世子生三

月君夫人沐浴于外寢立于阼階西鄉世婦抱子升自西階君命之乃降蓋同宗之婦公問名於申繻對

曰名有五有信有義有象有假有類申繻魯大夫以名生

為信若唐叔虞魯公子友以德命為義若文王名昌武王名發以類命為象若孔子首

象尼取於物為假若伯魚生人有饋之魚因名之曰鯉取於父為類若子同生有與父同者不

以國國君之子不自以本國為名也不以官不以山川不以隱疾隱痛疾患辟不

不以畜牲畜牲六畜不以器幣幣玉帛周人以諱事神名終

將諱之君父之名固非臣子所斥然禮既卒哭以木鐸徇曰舍故而諱新謂舍親盡之祖而諱新死者故言以諱事神名終將諱之自父至高

祖皆不敢斥言○孔疏殷以往未有諱法諱始于周周以諱法敬事明神子生三月為之立名終久必將諱之故須豫有所辟為下諸廢張本也終將諱之

謂死後故以國則廢名國不可易故廢名。孔疏以國為名終卒之後則廢名不諱以國不可易也。以官

則廢職以山川則廢主改其山川之名。劉氏炫曰廢主謂廢其所主山川不更得祀故須改其山川之名。

魯改二山是也。以畜牲則廢祀名緒則廢緒。名羊則廢羊。以器幣則廢禮晉以

僖侯廢司徒僖侯名司徒。廢為中軍。宋以武公廢司空武公名司空。廢為司城。先

君獻武廢二山二山具敖也。魯獻公名具。武公名敖更以其鄉名山。是以大物不可以

命公曰是其生也與吾同物命之曰同物類也。謂同日。

○冬紀侯來朝請王命以求成于齊公告不能紀微弱不

能自通于天子欲因公以請王命公無寵於王故告不能。

經七年春二月己亥焚咸邱無傳焚火田也咸邱魯地高平鉅野縣南有咸亭譏盡物故書

○夏穀伯綏來朝鄧侯吾離來朝不總稱朝者各

○鉅野縣今屬山東兗州府。自行朝禮也穀國在南鄉筑陽縣北。筑音竹。今湖廣襄陽府穀城縣治。為故筑陽城古穀城在縣北釋例曰鄧國義陽鄧縣今襄陽府東北二十里

有鄧城。

傳七年春穀伯鄧侯來朝名賤之也辟陋小國賤之禮不足故書名以春來夏

乃行朝禮故經書夏。公羊傳皆何以名失地之君也。劉氏啟曰經書夏朝傳云春朝此傳所據者以夏正記事也。

○夏盟向求成于鄭既而背之盟向二邑名隱十一年王以與鄭故求與鄭成。盟音孟。

向音餉。背音佩。秋鄭人齊人衛人伐盟向王遷盟向之民于

邾邾王城。今河南河南府洛陽縣西有邾邠亦謂之邾山。

○冬曲沃伯誘晉小子侯殺之曲沃伯武公也。小子侯哀侯子。

經八年春正月己卯烝無傳此夏之仲月非為過而書者為下五月復烝見賈也例在九○孔疏衛氏難

杜云上五年閉蟄而烝謂十月此正月烝則是過時而烝秦氏釋云按周禮四時之祭皆用四仲之月此正月則是夏之仲冬何為不得烝而云過時也釋例曰周禮祭宗廟以仲月蓋言其下限也下限至于仲月則上限起于孟月仲是下限則周之正月得為烝祭○天王使冢父

來聘無傳冢父天子大夫冢父字○胡傳下聘弑逆之人而不加貶何也既名冢宰于前其餘無責焉乃同則書重之義以此見春秋任宰相之專而責之備也陳氏深曰此年及十五上距幽王之卒七十五歲而詩節南山及冢父刺幽王古人字或累世同之雲漢詩序仍叔美宣王桓五年仍叔之子來聘仍氏亦世字如趙氏世稱孟智氏世稱伯也○夏五月丁丑烝無傳○秋伐邾無傳

○冬十月雨雪無傳今八月也書時失○祭公來遂逆王后于紀

祭公諸侯為天子三公者王使魯主昏故祭公來受命而迎也天子無外故因稱王后卿不書舉重畧輕○孔疏隱元年云祭伯今稱公知其為天子公

傳八年春滅翼曲沃滅之

○隨少師有寵楚鬪伯比曰可矣讎有釁不可失

也釁瑕隙也無德也者寵國之釁也夏楚子合諸侯于沈鹿沈鹿楚地今湖廣安陸府鍾祥縣東六十里有鹿湖池即其地黃隨不會黃國今弋陽縣今河南汝寧府光州境弋陽城在州東黃城在州西使遠章

讓黃責其不會楚子伐隨軍於漢淮之間季良請下之弗許而後戰下之請服也所以怒我而怠寇也少師謂隨侯

曰必速戰不然將失楚師隨侯禦之望楚師遙見楚師季

梁曰楚人上左君必左君楚君也無與王遇且攻其右右

無良焉必敗偏敗眾乃攜矣少師曰不當王非敵

也弗從不從季梁謀戰于速杞隨師敗績隨侯逸速杞隨地逸逃也○速杞

當在今湖廣德安府應山縣境。鬪丹獲其戎車，與其戎右少師。鬪丹楚大夫戎車君所乘也。寵之故以為右。

秋，隨及楚平。楚子將不許，鬪伯比曰：「天去其疾矣。」去疾謂少師見獲而死。隨未可克也。乃盟而還。

○冬，王命虢仲立晉哀侯之弟緡于晉。虢仲，王卿士。虢公，林父。緡，亡也。

○祭公來，遂逆王后于紀，禮也。天子娶於諸侯，使同姓諸侯為之。祭公來受命於魯，故曰禮。

經九年春，紀季姜歸于京師。季姜，桓王后也。季，字姜。紀姓也。書字者，伸父母之尊。

○夏四月，秋七月，○冬，曹伯使其世子射姑來朝。曹伯有疾，故使其子來朝。射，音亦。

傅九年春，紀季姜歸于京師。凡諸侯之女行，唯王

后書。為書婦人行例也。適諸侯，雖告魯，猶不書。

○巴子使韓服告于楚，請與鄧為好。韓服，巴行人。巴國在江州，為巴縣。今屬四川重慶府。

楚子使道朔將巴客以聘於鄧。道朔，楚大夫。巴客，韓服。

鄧南鄙，鄧人攻而奪之幣。鄧在今湖廣襄陽府襄陽縣東北，有鄧城。

殺道朔及巴行人。楚子使遠章讓於鄧，鄧人弗受。

○非鄧人所攻。夏，楚使鬪廉帥師及巴師圍鄧。鬪廉，楚大夫。

鄧養甥。聃甥帥師救鄧，三逐巴師，不克。二甥皆鄧大夫。孔疏：鄧師三逐巴師，楚巴不勝，故鬪廉誘之。

鬪廉衡陳其師於巴師之中，以戰而北。衡，橫也。分巴師。

桓公

七

七

七

七

七

為二部鬪廉橫陳於其間以與鄧師戰而偽北走也。衡音橫陳去聲。鄧人逐之背巴師而夾攻

之。楚師偽走鄧師逐之背巴師。巴師攻之楚師自前還與戰。背音佩。鄧師大敗。鄧人宵潰。宵夜也。

○秋。虢仲。芮伯。梁伯。荀侯。賈伯。伐曲沃。梁國在馮翊夏陽縣。荀。賈。皆國名。○夏。陽縣。荀。賈。皆國名。○夏。陽縣。荀。賈。皆國名。

○冬。曹太子來朝。賓之以上卿禮也。諸侯之適子。未誓於天子而攝其君。則以皮帛繼子男。故賓之以上卿。各當其國之上卿。

曰。曹太子其有憂乎。非歎所也。施父魯大夫。○夏。五

經十年春。王正月。庚申。曹伯終生卒。未同盟而赴以名。○夏。五

月葬曹桓公。無傳。○秋。公會衛侯于桃邱。弗遇。無傳。衛侯與公

為會期中。背公更與齊鄭。故公獨往而不相遇也。桃邱。衛地。濟北東阿縣東南有桃城。今山東東昌府東阿縣西五十里有桃城鋪。○冬。

十有二月。丙午。齊侯。衛侯。鄭伯。來戰于郎。改侵伐而書來戰。善魯之

用周班惡三國討有辭。傳十年春。曹桓公卒。終施父之言。

○虢仲。譖其大夫詹父於王。虢仲。王卿士。詹父。屬大夫。詹父有辭。以

王師伐虢。夏。虢公出奔虞。虞國在河東大陽縣。○唐改大陽曰陸。今屬山西平陽府解州古虞城

在縣東北四十里。○秋。秦人納芮伯萬于芮。四年圍魏所執者。

桓公

桓公

桓公

桓公

桓公

桓公

桓公

桓公

桓公

桓公

桓公

○初虞叔有玉虞叔虞公之弟虞公求旃旃之也弗獻既而悔之

曰周諺有之匹夫無罪懷璧其罪人利其璧以璧為罪吾焉用

此其以賈害也賈買也賈音古乃獻之又求其寶劍叔曰

是無厭也無厭將及我將殺我厭平聲遂伐虞公故虞公

出奔共池共池地名關共音恭今山西平陽府平陸縣西四十里許有共池

○冬齊衛鄭來戰于郎我有辭也初北戎病齊在

諸侯救之鄭公子忽有功焉齊人餽諸侯使魯次

之魯以周班後鄭鄭人怒請師於齊齊人以衛師

助之故不稱侵伐不稱侵伐而以戰為文明魯直諸侯曲故言我有辭以禮自釋交綏而退無敗績公羊傳何以不

言師敗績內不言戰言戰乃敗矣先書齊衛王爵也鄭主兵而序齊衛下者以王爵次之也春秋所以見魯猶秉周禮○胡傳鄭人主兵而首齊猶衛州吁主兵而先宋季氏本曰齊欲吞紀與鄭衛合魯則專意援紀者也三國來戰蓋為此爾考魯以援紀之故與齊不親自齊鄭如紀之後與魯不通已六年矣何由至齊為班耶按季說可參故附錄之

經十有一年春正月齊人衛人鄭人盟于惡曹惡曹地闕○陳氏傳良曰此郎之諸侯也凡一役而再見者但人之略之也○夏五月癸未鄭伯寤生

卒同盟於元年赴以名○秋七月葬鄭莊公無傳三月而葬速○九月宋

人執鄭祭仲祭氏仲名不稱行人聽迫脅以逐君罪之也行人例在襄十一年釋例詳之突歸于鄭

突厲公也為宋所納故曰歸例在成十八年不稱公子從告也文連祭仲故不言鄭鄭忽出奔衛忽昭公也莊爵者鄭人賤之以名赴○按未踰年之君稱子不稱子者從史文畧○柔會宋公陳侯蔡叔盟于

折無傳柔魯大夫未賜族者蔡叔蔡大夫叔名也折地闕○此大夫會盟諸侯之始○公會宋公于夫鍾

無傳夫鍾邾地○夫音扶○今山東兗州府寧陽縣盛鄉城北有夫鍾里○冬十有二月公會宋公

于闕無傳闕魯地在東平須昌縣東南○今兗州府汶上縣西有闕亭在南旺湖中

傳十一年春齊衛鄭宋盟于惡曹宋不書經闕○張氏溥曰惡曹之盟齊衛鄭為

郎之戰謀魯而固黨也宋亦與焉經不書左云闕也及觀柔盟于折公會于夫鍾于闕魯君臣於宋獨親然則惡曹之盟宋果不與未可知也

○楚屈瑕將盟貳軫貳軫二國名○屈居勿反○貳在今隨州應山縣境軫在今應城縣西俱屬湖廣德安府

鄭人軍於蒲騷將與隨絞州蓼伐楚師鄭國在江夏雲杜縣東南有鄭

城蒲騷鄭邑絞國名州國在南郡華容縣東南蓼國今義陽棘陽縣東南湖陽城○鄭音騷音蕭絞古卯反○水經注澗水經安陸故城古鄭城也今為安陸縣屬德安府蒲騷在今應城縣北三十里絞在今湖廣鄭陽府西北州在今湖廣荊州府監利縣縣東三十里有州陵城蓼在今河南南陽府唐縣南

十里蓼音了莫敖患之莫敖楚官名即屈瑕鬬廉曰鄭人軍其郊必不

誠且日虞四邑之至也虞度也四邑隨絞州蓼也邑亦國也君次於郊郢以

禦四邑君謂屈瑕也郊郢楚地○今湖廣安陸府治郢州故城是其地也我以銳師宵加於鄭

鄭有虞心而恃其城恃近其城莫有鬬志若敗鄭師四邑

必離莫敖曰盍請濟師於王盍何不也濟盍也對曰師克在

和不在衆商周之不敵君之所聞也商紂也周武王也傳曰武王有亂臣十人

紂有億兆夷人成軍以出又何濟焉莫敖曰卜之對曰卜以

決疑不疑何卜遂敗鄭師於蒲騷卒盟而還卒盟貳軫

○鄭昭公之敗北戎也在六年齊人將妻之昭公辭祭

桓公

二

三

四

五

仲曰必取之君多內寵子無大援將不立三公子

皆君也子突子亶子儀之母皆有寵弗從夏鄭莊公卒初祭封人仲

足有寵於莊公祭鄭地陳留長垣縣東北有祭城封人守封疆者因以所守為氏○長垣縣今屬直隸大名府莊

公使為卿為公娶鄧曼生昭公故祭仲立之曼鄧姓宋

雍氏女於鄭莊公曰雍姑生厲公雍氏姑姓宋大夫也以女妻人曰女○女去聲姑其

吉反雍氏宗有寵於宋莊公故誘祭仲而執之祭仲之如宋非

會非聘見誘而以行人應命曰不立突將死亦執厲公而求賂焉祭

仲與宋人盟以厲公歸而立之秋九月丁亥昭公

奔衛己亥厲公立

經十有二年春正月○夏六月壬寅公會杞侯莒

子盟于曲池曲池魯地魯國汶陽縣北有曲水亭○在今山東兗州府曲阜縣東北四十里源出石明山杞公穀作紀○

秋七月丁亥公會宋公燕人盟于穀邱穀邱宋地燕人南燕大夫○穀

邱在今兗州府曹州北三十里○八月壬辰陳侯躍卒無傳厲公也十一年與魯大夫盟於折不書葬

魯不會也壬辰七月二十三日書於八月從赴○公會宋公于虛虛宋地○虛去魚反○疑在河南歸德府睢州境

○冬十有一月公會宋公于龜龜宋地○疑亦在睢州境注氏克寬曰桓公屢至宋地強

宋公之從而不已固為屈辱然二盟四會皆以會宋為詞則是宋公有志於

會盟矣蓋宋之所以會魯者將以求賂於鄭而魯之所以會宋者將以為鄭

免其賂是以卒不能降心以相從也○丙戌公會鄭伯盟于武父武父鄭地陳留濟陽縣東

北有武父城○在今直隸大名府東明縣西南與河南開封府蘭陽縣接界○丙戌衛侯晉卒無傳重書丙戌

非義例因史成文也。○十有二月及鄭師伐宋丁未戰于

未同盟而赴以名。宋既書伐宋又重書戰者以見宋之無信也莊十一年傳例曰皆陳曰戰尤其無信故以獨戰為文。公羊傳何以不言師敗績內不言戰言戰

乃敗矣胡傳責賂於鄭而無厭屢盟於魯而無信者宋也二國聲其罪以致討故書曰伐然取其賂以立督者魯桓也資其力以篡國者鄭突也春秋之義用賢治不肖不以亂易亂故又書曰

戰于宋來戰者罪在彼往戰者罪在內

傳十二年夏盟于曲池平杞莒也。隱四年莒人伐杞自是遂不平。程子曰杞侯

皆當作紀隱二年紀莒盟于密是時紀謀齊難故魯桓與之盟以緩之耳

○公欲平宋鄭秋公及宋公盟于句瀆之邱。句瀆之邱即穀邱也宋以立厲公故多責賂於鄭鄭人不堪故不平。句古侯反瀆音豆。吳氏澂曰左氏以為魯欲平宋鄭然此盟必是魯宋燕三國別有他事相要約非為鄭賂之事盟也。因是盟與宋公相見而為鄭致請焉耳。

宋成未可知也故又會于虛

冬又會于龜宋公辭平故與鄭伯盟于武父。宋公貪鄭賂故與公三會而卒辭不與鄭平

遂帥師而伐宋戰焉宋無信也君子曰

苟信不繼盟無益也詩云君子屢盟亂是用長無

信也。詩小雅言無信故數盟數盟則情疏情疏則憾結故云長亂。長丁丈反

○楚伐絞軍其南門莫敖屈瑕曰絞小而輕輕則

寡謀請無扞采樵者以誘之。扞衛也樵新也。輕去聲扞戶旦反

從之絞人獲三十人。獲楚人也

明日絞人爭出驅楚役徒於山中

楚人坐其北門而覆諸山下。坐猶守也覆設伏兵而待之。覆扶又反

大敗之為城下之盟而還。

伐絞之役楚師分涉於彭

侯所深恥

城下盟諸

恒公

彭水在新城昌魏縣。後漢志房陵有筑水即彭水也。故昌魏縣在今湖廣鄖陽府房縣西南。羅人欲伐之。使伯嘉謀之。三巡數之。羅熊姓國在宜城縣西山中。後徙南郡枝江縣。伯嘉羅大夫謀伺也。巡徧也。今湖廣襄陽府宜城縣西二十里羅川城乃羅故國。其在岳州府平江縣南三十里之羅城。是後徙處也。楚遷之枝江。今枝江縣屬湖廣荊州府。又自枝江徙長沙。今長沙府湘陰縣東六十里亦有羅城。數上聲。

經十有三年春二月公會紀侯鄭伯己巳及齊侯

宋公衛侯燕人戰齊師宋師衛師燕師敗績。大崩曰敗績例。

在莊十一年或稱人或稱師史異辭也。衛宣公未葬惠公稱侯以接鄰國非禮也。 ○三月葬衛宣公。無傳。

傳葬自內錄也。既與衛人戰曷為葬宣公。怨不棄義怒不廢禮。是知古人以葬為重也。禮喪在殯孤無外事。衛宣未葬朔乃即戎已為失禮。又不稱子是類據事直書年月具存而惡自見也。

○夏大水。無傳。 ○秋七月

○冬十月。無傳。

傳十三年春楚屈瑕伐羅鬪伯比送之還謂其御

曰莫敖必敗舉趾高心不固矣。趾足也。遂見楚子曰必

濟師。難言屈瑕將敗故以益師諷諫。見音現難去聲。楚子辭焉。不解其旨故拒之。解戶買反。入告夫

人鄧曼鄧曼曰大夫其非眾之謂。鄧曼楚武王夫人言伯比意不在於益眾也。

其謂君撫小民以信訓諸司以德而威莫敖以刑

也。以嚴明之政威莫敖。莫敖狃於蒲騷之役將自用也。狃快也蒲騷在十一年。

快時世反。必小羅君若不鎮撫其不設備乎夫固謂君訓

眾而好鎮撫之。撫小民以信也。好去聲。召諸司而勸之以令德。訓諸司以

德也見莫敖而告諸天之不假易也諸之也言天不借貸慢易之人威莫敖以刑也

不然夫豈不知楚師之盡行也楚子使賴人追之

不及賴國在義陽隨縣賴人仕于楚者○盡津忍反○後漢志襄信侯國有賴亭故賴國文獻通考賴國在襄信縣元省縣為鎮今在息縣東北其地相接也杜注在義陽隨縣則去光州甚遠不知何據莫敖使徇于

師曰諫者有刑徇宣令也徇音殉及鄢亂次以濟鄢水在襄陽宜城縣入漢○孔

羅與盧戎兩軍之疏鄢水出新城沔鄉縣今湖廣襄陽府宜城縣南有宜城故城即古鄢國鄢音偃遂無次且不設備及羅

羅與盧戎兩軍之盧戎南蠻○即今中盧故城在襄陽府南漳縣東五十里大敗之莫敖

縊于荒谷羣帥囚于冶父縊自經也荒谷冶父皆楚地○荆州記州東三里有三湖湖東有水名荒谷在今湖廣荆州府水經注荒谷東岸有冶父城在今荆州府東以聽刑楚子曰孤之罪也皆

免之

○宋多責賂於鄭立突鄭不堪命故以紀魯及齊與

宋衛燕戰不書所戰後也公後地期而及其戰故不書所戰之地○胡傳左氏以為鄭與宋戰穀梁以為紀與齊戰趙匡考據經文內兵則以紀為主而先于鄭外兵則以齊為主而先于宋獨取穀梁之說蓋齊紀者世讎也齊人合三國以攻紀魯鄭援紀而與戰戰而不地於紀也

○鄭人來請脩好

經十有四年春正月公會鄭伯于曹修十二年武父之好以曹地曹與會

無冰無傳書○夏五不書月鄭伯使其弟語來盟○秋

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

八月壬申御廩災御廩藏公所親耕以奉粢盛之倉天火曰災例在宣十六年乙亥嘗先其時亦

過也既戒日致齊廩雖災苟不害嘉穀則祭不應廢故書以示法○先去聲

○冬十有二月丁巳齊

侯祿父卒

無傳隱六年盟于艾

○宋人以齊人蔡人衛人陳人

伐鄭

凡師能左右之曰以例在僖二十六年

傳十四年春會于曹曹人致餼禮也

熟曰饗生曰餼

○夏鄭子人來尋盟且修曹之會

子人即弟語也其後為子人氏

○秋八月壬申御廩災乙亥嘗書不害也

災其屋救之則息不及穀

故曰書不害○胡傳嘗祭時事之常則何以書春秋紀事用周月而以八月嘗則不時御廩災於壬申而嘗以乙亥是不改卜而供未易災之餘則不敬故書

○冬宋人以諸侯伐鄭報宋之戰也

在十年焚渠門入

及大逵

渠門鄭城門逵道方九軌

伐東郊取牛首

東郊鄭郊牛首鄭邑○今河南開封府陳留縣西南

十一里有牛首城

以大宮之椽歸為盧門之椽

大宮鄭祖廟盧門宋城門告伐而不告入取故

不書○大音泰

經十有五年春二月天王使家父來求車○三月

乙未天王崩

無傳桓王也

○夏四月己巳葬齊僖公

無傳○

五月鄭伯突出奔蔡

突既篡立權不足以自固又不能倚任蔡仲反與小臣造賊盜之計故以自奔為文

罪之也例在昭三年

鄭世子忽復歸于鄭

忽實居君位故令還以復其位之例為文也稱世子者忽為大

子有母氏之寵宗卿之援有功於諸侯此大子之盛者也而守介節以失大國之助知三公子之強不從祭仲之言脩小善繫小行從匹夫之仁忘社稷之大計故君子謂之善自為謀言不能謀國也父卒而不能自君鄭人亦不君之出則降名以赴入則逆以太子之禮始於見逐終於見殺三公子更立亂

鄭國者實忽之由復歸例在成十八年。按朱子嘗謂忽之辭昏未為不正。不幸失國。非有大惡。詳見詩序辨中。程子曰。稱世子本當立者。許

叔入于許。許叔莊公弟也。隱十一年。鄭使許大夫奉許叔居許。東偏鄭莊公既卒。乃入居位。許人嘉之。以字告也。叔本不去國。雖稱入。非

國逆。○公會齊侯于艾。○邾人。牟人。葛人來朝。無傳。三

庸之世子也。其君應稱名。故其子降稱人。牟國。今泰山牟縣。葛國。在梁國寧陵縣東北。今山東濟南府東二十里有牟城。河南歸德府寧陵縣有葛城。

在汴河之南。孔疏。曹伯使世子射姑來朝。諸侯世子稱名。則附庸之世子稱人。又世子稱謂之等級也。○秋九月。鄭伯

突入于櫟。櫟。鄭別都也。今河南陽翟縣。未得國。直書入。無義例也。○櫟音歷。○陽翟。今開封府禹州是也。○冬十

有一月。公會宋公。衛侯。陳侯。于袤。伐鄭。袤。宋地。在沛國相縣西南。先行

會禮而後伐也。○袤。昌氏反。○在今江南鳳陽府宿州。

傳十五年春。天王使家父來求車。非禮也。諸侯不

貢車服。車服上之天子不私求財。諸侯有常職貢

○祭仲專。鄭伯患之。使其壻雍糾殺之。將享諸郊。

雍姬知之。謂其母曰。父與夫孰親。其母曰。人盡夫也。父一而已。胡可比也。婦人在室則天。父出則天。夫女以為疑。故母以所生為本。解之。遂告

祭仲曰。雍氏舍其室。而將享子於郊。吾惑之。以告

祭仲。殺雍糾。尸諸周氏之汪。汪池也。周氏鄭大夫殺而暴其尸以示戮也。○暴步下反。公

載以出。愍其見殺。故載其尸共出國。曰。謀及婦人。宜其死也。夏厲公

出奔蔡。六月乙亥。昭公入。

○許叔入于許。公會齊侯于艾。謀定許也。

○秋鄭伯因櫟人殺檀伯而遂居櫟檀伯鄭守櫟大夫

○冬會于袤謀伐鄭將納厲公也弗克而還

經十有六年春正月公會宋公蔡侯衛侯于曹○

夏四月公會宋公衛侯陳侯蔡侯伐鄭春既謀之今書會者魯諱議納

不正蔡常在衛上今序陳下蓋後至 ○秋七月公至自伐鄭用飲至之禮故書 ○冬

城向傳曰書時也而下有十一月舊說因謂傳誤此城向亦俱是十一月但本事異各隨本而書之耳經書夏叔弓如滕五月葬滕成公傳云

五月叔弓如滕即知但稱時者未必與下月異也又推校此年閏在六月則月却而節前水星可在十一月而正也詩云定之方中作于楚宮此未正中也功

役之事皆總指天象不與言麻數同也故傳之釋經皆通言一時不月別 ○十有一月衛侯朔出奔

齊惠公也朔讒構取國故不言二公子逐罪之也○公羊傳衛侯朔何以名得罪于天子也見使守衛朔而不能使衛小眾越在岱陰齊屬負茲舍不

即罪耳注朔十二月朔政事也時天子使發小眾不能使行越猶走也屬託也天子有疾稱不豫諸侯稱負茲舍止也託疾止不就罪

傳十六年春正月會于曹謀伐鄭也前年冬謀納厲公不克故復更謀 夏

伐鄭秋七月公至自伐鄭以飲至之禮也

○冬城向書時也

○初衛宣公烝於夷姜生急子夷姜宣公之庶母也上淫曰烝 屬諸右

公子為之娶於齊而美公取之生壽及朔屬壽於

左公子左右媵之子因以為號○孔疏 夷姜縊失寵而自經死 宣姜與

公子朔構急子宣姜宣公所取急子之妻 公使諸齊使盜待

諸莘將殺之莘衛地陽平縣西北有莘亭○公使去聲莘亭故城在今山東東昌府莘縣北 壽子告之

使行行去也不可曰弃父之命惡用子矣惡安也。惡音烏。有無

父之國則可也及行飲以酒壽子載其旌以先盜

殺之急子至曰我之求也此何罪請殺我乎又殺

之公子故怨惠公十一月左公子洩右公子職

立公子黔牟黔牟羣公子。飲去聲。洩息列反。黔其廉反。惠公奔齊張氏洽曰朔立已五年二公

子不能獨逐之必因其陵蔑天子周室欲討而後二子得以行其志所以莊六年王人子突救衛公羊氏之說其必有所傳矣

經十有七年春正月丙辰公會齊侯紀侯盟于黃

黃齊地。路史登之黃縣東南有古黃城本紀邑後入齊今黃縣屬山東登州府去魯殊遠疑非會盟處○二月丙午公

會邾儀父盟于趙趙魯地稱字義與茂盟同二月無丙午丙午三月四日也日月必有誤。趙翠軌反。當在今山

東兗州府泗水鄒縣之間會公穀作及○夏五月丙午及齊師戰于奚奚魯地皆陳曰

戰。今兗州府滕縣南奚公山下有奚邑水經注夏車正奚仲之國○六月丁丑蔡侯封人卒十一

夫盟于折○秋八月蔡季自陳歸于蔡季蔡侯弟也言歸為陳所納癸巳葬

蔡桓侯無傳稱侯蓋謬誤三月而葬速○及宋人衛人伐邾○冬十月

朔日有食之甲乙者歷之紀也晦朔者日月之會也日食不可以不存晦朔晦朔須甲乙而可推故日食必以書朔日為例

傳十七年春盟于黃平齊紀且謀衛故也齊欲滅紀衛逐其君

○及邾儀父盟于趙尋茂之盟也茂盟在隱元年

○夏及齊師戰于奚疆事也爭疆界也於是齊人侵魯疆

疆吏來告公曰疆場之事慎守其一而備其不虞

虞度也不度猶不意也。○場音亦。姑盡所備焉。事至而戰。又何謁焉。齊背盟而來公以信待故不書侵伐

○蔡桓侯卒。蔡人召蔡季于陳。桓侯無子故召季而立之季內得國人之望外有諸侯之助故書字以善得秋。蔡季自陳歸于蔡。蔡人嘉之也。嘉之故以衆稱歸以明外納字告。○公羊傳何氏休注。蔡侯封人無子。季次當立。封人欲立獻舞而疾害季。季辟之陳。封人死。歸反奔喪。思慕三年卒。無怨心。按封人卒。獻舞立。蔡季未嘗為君。杜氏誤合。蔡季獻舞為一人。

○伐邾。宋志也。邾宋爭疆魯從宋志背趙之盟

○冬十月朔。日有食之。不書日。官失之也。天子有日官。諸侯有日御。日官日御。典歷數者日官居卿以底日。禮也。

日官。天子掌歷者。不在六卿之數。而位從卿。故言居卿也。底。平也。謂平歷數。○底音旨。日御不失日。以授百官于朝。日官平歷以班諸侯。諸侯奉之。不失天時。以授百官。○趙氏匡曰。左氏曰。不書日。官失之非也。或史官闕之。或年深寫誤。何關日官乎。

○初。鄭伯將以高渠彌為卿。昭公惡之。固諫不聽。昭公立。懼其殺已也。辛卯。弑昭公而立公子亶。公子亶。魯昭公弟。○

君子謂昭公知所惡矣。公子達曰。公子達。魯大夫。高伯其為戮乎。復惡已甚矣。復重也。本為昭公所惡。而復弑君重為惡也。○復扶又反。

經十有八年春。王正月。公會齊侯于濼。濼水在濟南歷城縣西北入濟水之源。蓋濟水伏流重發處。濼音洛。公與夫人姜氏遂如齊。本

與夫人俱行至灤。公與齊侯行會禮。故先書會樂。既會而相隨至齊。故曰遂。○夏四月丙子。公薨于

齊。不言戕諱之也。戕。例在宣十八年。丁酉。公之喪至自齊。無傳告廟也。丁酉五月一日有日而無月。

○秋七月。○冬十有二月己丑。葬我君桓公。無傳九月乃葬。

緩慢也。

傳十八年春。公將有行。遂與姜氏如齊。始議。行事。申繻曰。

女有家。男有室。無相瀆也。謂之有禮。易此必敗。女安夫之。

家。夫安妻之室。違此則為瀆。今公將姜氏如齊。故知其當致禍亂。公會齊侯于灤。遂及文姜

如齊。齊侯通焉。公謫之。謫。謹也。○謫。直革反。以告。夫人告齊侯。夏四月丙

子享公。齊侯為公設享燕之禮。使公子彭生乘公。公薨于車。上車曰乘。彭生

多力。拉公幹而殺之。○乘。去聲。拉。方答反。魯人告于齊曰。寡君畏君之威。不敢

寧居。來修舊好。禮成而不反。無所歸咎。惡於諸侯。

請以彭生除之。除。恥辱之惡也。齊人殺彭生。不書。非卿。

○秋。齊侯師于首止。陳師首止。討鄭弑君也。首止。衛地。陳留襄邑。縣東南有首鄉。○今河南歸德府睢州。即襄

邑也。首鄉。在州東南。子亶會之。高渠彌相。不知齊。欲討已。七月戊戌。齊人

殺子亶。而輟高渠彌。車裂曰輟。○輟。音患。祭仲逆鄭子于陳。而

立之。鄭子昭公。弟子儀也。是行也。祭仲知之。故稱疾不往。人曰。

祭仲以知免。仲曰。信也。時人譏祭仲失忠臣之節。仲以子亶為渠彌所立。本既不正。又不能固位安民。

宜其見除。故即而然。譏者之言。以明本意。○知。去聲。

○周公欲弑莊王而立王子克莊王桓王太子王子克莊王弟子儀辛伯告

王遂與王殺周公黑肩王子克奔燕辛伯周大夫初子儀

有寵於桓王桓王屬諸周公辛伯諫曰竝后妾如后匹

嫡庶如嫡兩政臣擅命耦國都如國亂之本也周公弗從故及及於亂也

春秋左傳杜注卷第二

魯桓公二年春三月

春秋左傳杜注卷第三

華亭姚培謙學

莊公名同桓公子母文姜子同莊公為一人謚法勝敵克亂曰莊

經元年春王正月○三月夫人孫于齊夫人莊公母也魯人責之故出

○夏單伯送王姬無傳單伯天子卿也單采地伯爵也王將嫁女

○秋築王姬之館于外天子嫁女於諸侯使同姓諸侯主之不親昏尊卑不敵○單音善○送公

○冬十月乙亥陳侯林公在諒闇慮齊侯當親迎不忍便以禮

卒無傳宋同盟而赴以名○王使榮叔來錫桓公命無傳榮叔周大夫榮氏叔字錫

奔內諱奔謂之孫猶孫讓而去○孫本作遜于齊既命魯為主故單伯送女不稱使也王姬不稱字以王為尊且別於內女也天子嫁女於諸侯使同姓諸侯主之不親昏尊卑不敵○單音善○送公毅作逆單姓伯字魯之命大夫天子嫁女於齊魯受命主之故使單伯逆王姬

賜也追命桓公褒稱其德若昭七年王追命衛襄之比 ○王姬歸于齊無傳不書逆公不與接 ○齊

師遷紀邾郕郛無傳齊欲滅紀故徙其三邑之民而取其地邾在東莞臨胸縣東南郛在朱虛縣東南北海都昌縣西有訾

城○邾蒲丁反郕子斯反郕音吾胸其俱反訾子斯反○臨胸縣今屬山東青州府郛城在安邱縣西南六十里都昌今昌邑縣也有訾亭社在縣西十里俱屬青州府

傳元年春不稱即位文姜出故也文姜與桓俱行而桓為齊所殺故不敢還莊公

父弑母出故不忍行即位之禮據文姜未還故傳稱文姜出也姜於是感公意而還不書不告廟○穀梁傳繼弑君不言即位正也先君不以其道終則子不忍即位也劉氏敞曰原左傳此意當為文姜與桓俱行未有至文故云出爾不知夫人行不以正者至皆不書也

○三月夫人孫于齊不稱姜氏絕不為親禮也姜氏齊姓

於文姜之義宜與齊絕而復奔齊故於其奔去姜氏以示義○李氏廉曰絕不為親謂魯之臣子當絕文姜而不以為親

○秋築王姬之館于外為外禮也齊彊魯弱又委罪於彭生魯不能讎齊然喪制

未闕故異其禮得禮之變○闕苦穴反○胡傳有三年之喪天王于義不當使之主有不戴天之讎莊公于義不可為之主築之于外之為宜不若辭而弗主之為正按為外為之于外也

經二年春王二月葬陳莊公無傳魯往會之故書例在昭六年 ○夏公子

慶父帥師伐於餘邱無傳於餘邱國名也莊公時年十五則慶父莊公庶兄○孔疏慶父雖為庶長而以仲為

宗其後子孫以字為氏是以經書仲孫時人以其庶長稱孟故傳稱孟孫 ○秋七月齊王姬卒無傳魯為之主

比之 ○冬十有二月夫人姜氏會齊侯于禚夫人行不以禮故還皆不

書不告廟也禚齊地○禚諸若反○定九年傳齊侯致禚媚杏于衛杜注三邑皆齊西界據此當為齊魯衛分界之地 ○乙酉宋

公馮卒無傳再與桓同盟

傳二年冬夫人姜氏會齊侯于禚書女女也文姜前與公俱如齊後懼

而出奔至此始與齊好會會非夫人之事顯然書之傳曰書女女在夫人文姜比年出會其義皆同

經三年春王正月溺會齊師伐衛溺魯大夫疾其專命而行故去氏 ○夏

四月葬宋莊公無傳 ○五月葬桓王 ○秋紀季以鄆

入于齊紀季侯弟鄆紀邑在齊國東安平縣齊欲滅紀故季以邑入齊為附庸先祀不廢社稷有奉故書字貴之 ○鄆音攜今山東青州府臨淄縣東有

安平城又有鄆亭 ○冬公次于滑滑鄭地在陳留襄邑縣西北傳例曰凡師過信為次兵未有所加所

次則書之既書兵所加則不書其所次以事為宜非虛次 ○今河南歸德府睢州有滑亭

傳三年春溺會齊師伐衛疾之也傳重明上例○公羊傳溺者何吾大夫之未命

者也李氏廉曰考之三傳左傳則曰衛朔出奔二公子立於何休以為衛朔背叛出奔天子新立公子留范氏則以為齊受天子罪人為之興師而魯

同之然則黔牟與留雖未知孰是而此時衛朔在齊齊欲納之明矣莊公新立寢苦枕戈莫先于率國人以同讎舍是不顧而二年伐於餘邱三年伐衛又且同齊師以徃此何心哉

○夏五月葬桓王緩也以桓十五年三月崩七年乃葬故曰緩

○秋紀季以鄆入于齊於是乎始判 判分也言分為附庸始于此

胡傳春秋私逃者必書奔紀季所以不書奔者有紀侯之命矣

○冬公次于滑將會鄭伯謀紀故也鄭伯辭以難

厲公在櫟故 凡師一宿為舍再宿為信過信為次為經書次例也

舍宿不書輕也言凡師通君臣

經四年春王二月夫人姜氏享齊侯于祝邱無傳享食也兩

君相見之禮非夫人所用直書以見其失祝邱魯地○漢即邱縣孟康曰春秋時之祝邱也今山東兗州府沂州東南五十里有即邱城食去聲○

三月紀伯姬卒無傳隱二年裂縞所逆者內女唯諸侯夫人卒葬皆書恩成于敵體○夏齊侯

陳侯鄭伯遇于垂無傳○按蘇氏轍曰鄭伯子儀也胡傳則以為厲公未詳孰是○紀侯大

去其國以國與季季奉社稷故不言滅不見迫逐故不言奔夫去者不反之辭○六月乙丑齊侯

葬紀伯姬無傳紀季入鄆為齊附庸而紀侯大去其國齊侯加禮初附以崇厚義故攝伯姬之喪而以紀國夫人禮葬之○

秋七月○冬公及齊人狩于禚無傳公越竟與齊微者俱狩失禮可知○狩手又反○按

公穀胡傳並以齊人為齊侯桓公于莊公

傳四年春王三月楚武王荆尸授師子焉以伐隨

尸陳也荆亦楚也更為楚陳兵之法揚雄方言子者戰也然則楚始於此參用戰為陳將齊入告夫人鄧曼

曰余心蕩將授兵於廟故齊蕩動散也鄧曼歎曰王祿盡矣盈而蕩

天之道也先君其知之矣故臨武事將發大命而

蕩王心焉楚為小國僻陋在夷至此武王始起其眾僭號稱王陳兵授師志意盈滿臨齊而散故鄧曼以天地鬼神為徵應之符

若師徒無虧王薨於行國之福也王薨於行不死於敵王遂行

卒於櫛木之下櫛木木名○櫛音朗孔疏木有似榆者俗呼為朗榆今尹鬬祁莫敖屈

重除道梁澐營軍臨隨隨人懼行成時祕王喪故為奇兵更開直道澐水

在義陽厥縣西東南入鄖水梁橋也隨人不意其至故懼而行成○澐側嫁反鄭音云○釋例云即澐水源出縣北在今湖廣德安府隨州東南莫

敖以王命入盟隨侯且請為會於漢汭而還汭內也謂漢西

○汭如銳反濟漢而後發喪

水曲曰汭莊公

○紀侯不能下齊以與紀季不能降屈事齊盡以國與季明季不叛夏紀侯

大去其國違齊難也違辟也

經五年春王正月○夏夫人姜氏如齊師無傳書姜氏○孔疏于時齊

無征伐之事不知師在何處蓋齊侯疆理紀地有師在紀○秋邾犁來來朝附庸國也東海昌慮縣東北有邾城犁來

名○邾五兮反○昌慮城在今山東兗州府滕縣東南六十里邾城在縣東六里慮平聲○冬公會齊人宋人

陳人蔡人伐衛

傳五年秋邾犁來來朝名未王命也未受爵命為諸侯傳發附庸稱名例也其

後數從齊桓以尊周室王命以為小邾子

○冬伐衛納惠公也惠公朔也桓十

六年出奔齊

經六年春王正月王人子突救衛王人之微官也雖官卑而見授以大事故稱

人而又稱字○夏六月衛侯朔入于衛朔為諸侯所納不稱歸而以國逆為文朔懼失眾心以國

逆告也歸入例○秋公至自伐衛無傳告於廟也○螟無傳為災○冬齊

人來歸衛俘公羊穀梁經傳皆言衛寶此傳亦言寶唯此經言俘疑經誤俘囚也○胡傳案商書稱遂伐三豎俘厥寶玉則

俘者正文寶者釋辭

傳六年春王人救衛○夏衛侯入放公子黔牟于

周放甯跪于秦殺左公子洩右公子職甯跪衛大夫宥之以遠曰放

乃即位君子以二公子之立黔牟為不度矣夫能

固位者必度其本末而後立衷焉不知其本不謀

知本之不枝弗強本末終始也衷節適也譬之樹木本弱者其枝必披非人力所能強成。度待洛反。強其丈反。

詩云本枝百世詩大雅言文王本枝俱茂蕃滋百世也。○按此以成敗論是非者。

○冬齊人來歸衛寶文姜請之也公親與齊共伐衛事畢而還文姜淫於齊侯故

求其所獲珍寶使以歸魯欲說魯以謝慙

○楚文王伐申過鄧鄧祁侯曰吾甥也祁謚也姊妹之子曰甥止

而享之騅甥聃甥養甥請殺楚子皆鄧甥仕於舅氏也。騅朱推反鄧侯

弗許三甥曰亡鄧國者必此人也若不早圖後君

噬齊若齧腹齊喻不可及。○齊臍通其及圖之乎圖之此為時矣鄧侯

曰人將不食吾餘言自害其甥必為人所賤。○孔疏食謂噉之為甥設享而因享害之所有餘食更為人設之將

賤吾不肯復食噉吾之餘食也對曰若不從三臣抑社稷實不血食而

君焉取餘言君無復餘弗從還年楚子伐鄧伐申還之年還音旋十六

年楚復伐鄧滅之魯莊公十六年楚終強盛為經書楚事張本

經七年春夫人姜氏會齊侯于防防魯地○夏四月辛

卯夜恒星不見恒常也謂常見之星辛卯四月五日月光尚微蓋時無雲日光不以昏沒。見音現夜中

星隕如雨如而也夜半乃有雲星落而且雨其數多皆記異也日光不匿恒星不見而云夜中者以水漏知之。○胡傳如雨言眾也

秋大水無傳○無麥苗今五月周之秋平地出水漂殺熟麥及五稼之苗。○漂匹妙反○冬夫人

姜氏會齊侯于穀無傳穀齊地今濟北穀城縣。○今山東兗州府東阿縣治故穀城是也

傳七年春文姜會齊侯于防齊志也文姜數與齊侯會至齊地則姦發夫人至

魯地則齊侯之志故
傳畧舉二端以言之

○夏恒星不見夜明也星隕如雨與雨偕也備俱也

○秋無麥苗不害嘉穀也黍稷尚可更種故曰不害嘉穀○劉氏
啟曰非也大水無麥苗此聖人為記災而

書耳言其不害嘉穀何益于教乎孫氏覺曰二十八年麥禾之無經書曰大
大者非常之辭麥苗之無以水災而無也災之所不及者猶有存焉不得曰
大無也故無麥苗志之于秋見水災也大無麥禾志
之于冬見歲凶也春秋一字聖人必盡心無苟然者

經八年春王正月師次于郎以俟陳人蔡人無傳期
共伐邾

陳蔡不至故駐
師于郎以待之 ○甲午治兵治兵於廟習號
令將以圍邾 ○夏師及齊師

圍邾邾降于齊師二國同討而齊獨
納邾○降戶江反 ○秋師還時史善公克已
復禮全軍而還

故特書師還
○還音旋 ○冬十有一月癸未齊無知弑其君諸兒

稱臣臣
之罪也

傳八年春治兵于廟禮也○胡傳此治兵于郎也俟而不至暴
師露眾役久不用則有失伍離次逃

亡潰散之虞故復申明軍法以整
齊之其志非善之也譏黷武也 夏師及齊師圍邾邾降于

齊師仲慶父請伐齊師齊不與魯共其
功故欲伐之 公曰不可我實

不德齊師何罪罪我之由夏書曰臯陶邁種德夏
書

逸書也稱臯陶能勉種德
邁勉也○今書大禹謨 德乃降姑務修德以待時乎言苟有
德乃為

人所降服
姑且也 秋師還君子是以善魯莊公傳言經所以即用舊
史之文○趙氏直曰

勞師會讎何善之有且齊
強魯弱自當不敢爭也

○齊侯使連稱管至父戍葵邱連稱管至父皆齊大夫戍守
也葵邱齊地臨淄縣西有地

名蔡邱。稱尺證反。後漢志西安縣有濼邱亭亦名渠邱即古蔡邱也。今山東青州府臨淄縣西三十里有西安故城蔡邱在其處。瓜時而

往曰及瓜而代。期成。公問不至。問命也。期音基。請代弗許。故

謀作亂。僖公之母弟曰夷仲年。生公孫無知。有寵

於僖公。衣服禮秩如適。適天子。適丁歷反。襄公絀之。二人因之

以作亂。二人連稱管至父。絀敕律反。連稱有從妹在公宮。無寵使閒

公。伺公之間隙。從間並去聲。曰捷吾以女為夫人。捷克也。宣無知之言。女音汝。冬十

二月。齊侯游于姑焚。遂田于貝邱。姑焚貝邱皆齊地。田獵也。樂安博昌縣南有地。

見大豕。從者曰公

子彭生也。公見大豕而從者見彭生皆妖鬼。從去聲。公怒曰彭生敢見射之

豕人立而啼。公懼。隊于車。傷足。喪屨。反。誅屨於徒

人費。誅責也。見音現。射音石。隊音墜。喪去聲。費音秘。弗得。鞭之。見血。走出。遇賊于

門。劫而束之。費曰我奚御哉。袒而示之背。信之。費

請先入。詐欲助賊。御音禦。袒徒覽反。伏公而出。鬪死于門中。石之。紛

如死于階下。石之紛如齊。小臣亦鬪死。遂入。殺孟陽于牀。孟陽亦小臣。代公居牀。曰

非君也不類。見公之足于戶下。遂弑之。而立無知。

經書十一月癸未。長歷推之。月六日也。傳云十二月。傳誤。初。襄公立。無常。政令無常。鮑叔牙曰

君使民慢。亂將作矣。奉公子小白。出奔莒。鮑叔牙小白。傳小白僖公。

子亂作。管夷吾召忽奉公子糾來奔。管夷吾召忽皆子糾。傳也。子糾小白庶兄。

來不書皆非卿也為九年公伐齊納子糾齊小白入于齊傳 ○初公孫無知虐于雍廩雍廩齊大夫為殺無知傳

經九年春齊人殺無知無知弑君而立未列於會故不書爵例在成十六年 ○公及齊

大夫盟于訖齊亂無君故大夫得敵於公蓋欲迎子糾也來者非一人故不稱名訖魯地琅邪繒縣北有訖亭○訖其器反○

在今山東兗州府嶧縣東八十里故鄆城 ○夏公伐齊納子糾齊小白入于齊

二公子各有黨故雖盟而迎子糾當須伐乃得入又出在小白之後小白稱入從國逆之文本無位 ○秋七月丁酉葬

齊襄公無傳九月乃葬亂故 ○八月庚申及齊師戰于乾時我師

敗績小白既定而公猶不退師歷時而戰戰遂大敗不稱公戰公敗諱之乾時齊地時水在樂安界岐流旱則竭涸故曰乾時○乾音干二程子曰公戰諱敗凡言敗績大敗也小小勝負不書樂安故城在今山東青州府博興縣北時水在縣南 ○九月齊人取子

糾殺之公子為賊亂則書齊實告殺而書齊取殺者時史惡齊志在誦以求管仲非不忍其親故極言之○吳氏澂曰殺之者雖魯從齊令也是猶齊人取之于魯魯以界齊而殺之焉爾 ○冬浚洙無傳洙水在魯城北下合泗浚深之為齊備○洙音殊

傳九年春雍廩殺無知 ○公及齊大夫盟于訖齊

無君也夏公伐齊納子糾桓公自莒先入桓公小白秋師

及齊師戰于乾時我師敗績公喪戎路傳乘而歸

戎路兵車傳乘乘他車○乘去聲乘他如字秦子梁子以公旗辟于下道二子公御及戎

是以皆止止獲也鮑叔帥師來言曰子糾親也

請君討之鮑叔乘勝而進軍志在生得管仲故託不忍之辭管召讎也請受而甘心

焉管仲射桓公故曰讎言甘心言欲快意殺之乃殺子糾于生竇生竇魯地○史記作笙竇賈氏達曰向瀆

右也以誤齊師○辟音避

春秋左傳卷三

莊公

九

九

九

也。今山東兗州府曹州北。有句陽古城，即句瀆故地。召忽死之，管仲請囚鮑叔受之。及

堂阜而稅之。堂阜，齊地。東莞蒙陰縣西北有夷吾亭，或曰鮑叔解夷吾縛於此，因以為名。○稅，土活反。○堂阜在今山東青州府蒙陰縣西北。

歸而以告曰：「管夷吾治於高僊。」高僊，齊鄉。高敬仲也。言管仲治理政事之

才多子敬仲。使相可也。公從之。○僊音兮。

經十年春，王正月，公敗齊師于長勺。齊人雖成列，魯以權譎稽之列成而不得

用，故以未陳為文例。在十一年，長勺魯地。○二月，公侵宋。無傳，侵

十九年。○三月，宋人遷宿。無傳，宋強遷之而取。其地故文異於邢遷。○夏六月，齊師

宋師次于郎。不言侵伐，齊為兵主背。○郎，齊地。乘去聲。括地志：乘邱在瑕邱縣西北三

十五里。今山東兗州府滋陽縣西有古瑕邱城。○秋九月，荊敗蔡

師于莘。荊，楚本號，後改為楚楚。辟陋在夷，於此始通中國。然告命之辭，猶未合典禮，故不稱將帥。莘，蔡地。在今河南汝寧府汝陽縣

境。此書以蔡侯獻舞歸。獻舞，蔡季。○獻舞，非蔡季。詳桓十七年。○冬十月，齊師

滅譚。譚國在濟南平陵縣西南。傳曰：譚無禮。此直釋所以見滅。經無義例，他皆放此。滅例在文十五年。○今山東濟南府歷城縣東南七十里

有譚城。譚子奔莒。不言出奔國，滅無所出。

傳十年春，齊師伐我。不書侵伐，齊背公將戰，曹劌請見

其鄉人曰：「肉食者謀之，又何閒焉？」肉食，在

者閒猶與也。○劌曰：「肉食者鄙，未能遠謀。」乃入見，問何

以戰。公曰：「衣食所安，弗敢專也，必以分人。」對曰：「小

惠未徧，民弗從也。」公曰：「犧牲玉帛，弗

敢加也必以信祝辭不敢以小對曰小信未孚神弗福

也信也公曰小大之獄雖不能察必以情必盡已情對

曰忠之屬也上思利可以一戰戰則請從公與之乘

共乘兵車戰于長勺公將鼓之劇曰未可齊人三鼓

劇曰可矣齊師敗績公將馳之劇曰未可下視其

轍視車登軾而望之曰可矣遂逐齊師既克公問其

故對曰夫戰勇氣也一鼓作氣再而衰三而竭彼

竭我盈故克之夫大國難測也懼有伏焉恐詐吾視

其轍亂望其旗靡故逐之旗靡轍亂怖遽

○夏六月齊師宋師次于郎公子偃曰宋師不整

可敗也公子偃宋敗齊必還請擊之公弗許自雩門

竊出蒙臯比而先犯之雩門魯南城門臯比虎皮○比音毗公從

之大敗宋師于乘邱齊師乃還○陸氏隴其曰乘邱之役左

○蔡哀侯娶于陳息侯亦娶焉息媯將歸過蔡蔡

侯曰吾姨也妻之姊止而見之弗賓不禮息侯聞之怒

使謂楚文王曰伐我吾求救於蔡而伐之楚子從

之秋九月楚敗蔡師于莘以蔡侯獻舞歸○史記蔡世

家楚虜哀侯

敗後

以歸留九歲死于楚蔡人立其子肸是為繆侯



齊侯之出也過譚譚不禮焉及其入也諸侯皆賀譚又不至以九冬齊師滅譚譚無禮也譚子奔莒

同盟故也傳言譚不能及遠所以亡

經十有一年春王正月無夏五月戊寅公敗宋

師于鄆鄆魯地傳例曰敵未陳曰敗某師鄆子斯反當在今山東兗州府境

秋宋大水公使弔之故書

冬王姬歸于齊魯主昏不書齊侯逆不見公劉氏敬曰若齊侯來逆女而公輒不見何謂主昏矣乃常事自不

書者也

傳十一年夏宋為乘邱之役故侵我公禦之宋師

未陳而薄之陳去聲下同敗諸鄆凡師敵未陳曰敗某師

通謂設權譎變詐以勝敵彼我不得成列成列而不得用故以未陳獨敗為文皆陳曰戰堅而有備各得其所成敗決於志力者也

大崩曰敗績師徒撓敗若沮岸崩山喪其功績故曰敗績撓乃孝反沮在呂反壞也得雋曰克謂若

大叔段之比才力足以服眾威權足以自固進不成為外寇強敵退復狡壯有二君之難而實非二君克而勝之則不言彼敗績但書所克之名雋音俊

覆而敗之曰取某師覆謂威力兼備若羅網所掩覆一軍皆見禽制故以取為文京師

敗曰王師敗績于某王者無敵于天下天下非所得與戰者然春秋之世據有其事事列於經則不得不因申

其義有時而敗則以自敗為文明天下莫之得校校音教

秋宋大水公使弔焉曰天作淫雨害於塗盛若

之何不弔不為天所愍弔天灾如此不敢不弔對曰孤實不敬天降之災

又以為君憂拜命之辱謝辱臧文仲曰宋其興乎臧文

仲魯大夫禹湯罪已其興也悖焉悖盛貌○悖蒲忽反一作勃桀紂罪人其

亡也忽焉忽速貌且列國有凶稱孤禮也列國諸侯無凶則常稱寡人言

懼而名禮其庶乎言懼罪已名禮稱孤其庶幾於興既而聞之曰公子御

說之辭也宋莊公子○御魚呂反說音悅臧孫達曰是宜為君有恤民

之心

○冬齊侯來逆共姬齊桓公也○共音恭

○乘邱之役在十年公以金僕姑射南宮長萬金僕姑矢名南宮長萬宋

大夫○射音石長丁丈反公右欵孫生搏之搏取也不書獲萬時未為卿○欵市專反搏音博宋人請

之宋公靳之戲而相愧曰靳魯聽其得還○靳居覲反曰始吾敬子今子魯囚

也吾弗敬子矣病之萬不以為戲而以為已病為宋萬弒君傳

經十有二年春王三月紀叔姬歸于鄆無傳紀侯去國而死叔姬歸魯

紀季自定於齊而後歸之全守節義以終婦道故繫之紀而以初嫁為文賢之也來歸不書非寧且非大歸○夏四月○

秋八月甲午宋萬弒其君捷及其大夫仇牧捷閔公不書葬

亂也萬及仇牧皆宋卿仇牧稱名不警而遇賊無善事可褒○胡傳君弒而大夫死於其難春秋書之者皆所取也○冬十月宋

萬出奔陳奔例在宣十年○按史記年表是年周莊王崩僖王立

傳十二年秋宋萬弒閔公于蒙澤蒙澤宋地梁國有蒙縣今河南歸德府商邱

縣北有蒙澤縣南二十五里有蒙縣古城遇仇牧于門批而殺之手批之也○公羊傳仇牧聞君弒趨而至

莊公

遇之于門手劍而叱之萬臂擗遇大宰督于東宮之西又殺之

殺督不書子游宋立子游公子羣公子奔蕭公子御說奔毫

蕭宋邑今沛國蕭縣毫宋邑蒙縣西北有毫城蕭縣今屬江南徐州府縣南

宮牛猛獲帥師圍毫牛長萬之子冬十月蕭叔大心叔

大夫名孔疏卿大夫采邑之長曰宰公邑之長曰大夫以此年及戴

有功宋人以蕭邑別封其人為附庸二十三年經書蕭叔朝公也

武宣穆莊之族宋五公以曹師伐之殺南宮牛于師

殺子游于宋立桓公桓公猛獲奔衛南宮萬奔陳以

乘車輦其母一日而至乘車非兵車駕人曰輦宋去陳二宋人

請猛獲于衛衛人欲勿與石祁子曰不可石祁子天

下之惡一也惡於宋而保於我保之何補得一夫

而失一國與惡而弃好非謀也宋衛本同好衛人歸之

亦請南宮萬于陳以賂陳人使婦人飲之酒而以

犀革裹之比及宋手足皆見宋人皆醢之醢肉醬并醢

飲去聲比必
二反見音現

經十有三年春齊侯宋人陳人蔡人邾人會于北

杏北杏齊地當在今山東兗州府東阿縣境胡傳以諸侯而主天下會盟

之政自北杏始呂氏大圭曰方伯圖之未興也列國諸侯更相吞噬間有

若鄭莊齊僖之流雖能雄長于一時而終未能執伯主之柄天下紛紛莫之

統一然心猶知有周也及伯圖既興則翕然唯伯主之為聽下以號令諸侯

也至温之會則天王實狩焉。比事以觀而善惡自見矣。○夏六月齊人滅遂。遂國在濟北蛇邱縣東北。蛇音移。今兗州府寧陽縣西北三十里有遂鄉與濟南府肥城縣接界。

○秋七月○冬公會齊侯盟于柯。此柯今濟北東阿齊之阿邑猶祝柯今為祝阿。柯古柯反。今兗州府東阿縣地。

傳十三年春會于北杏以平宋亂。宋有弒君之亂齊桓欲修霸業。孔疏宋立新君其位未定桓欲修霸業為會以安定之。

○冬盟于柯始及齊平也。始與齊桓通好。

○宋人背北杏之會。音背。

經十有四年春齊人陳人曹人伐宋。背北杏會故。○夏單

伯會伐宋。宋單伯乃至故曰會伐宋單伯。周大夫。單伯魯卿元年逆王姬者。○秋七月荆入

蔡。入例在文十五年。○冬單伯會齊侯宋公衛侯鄭伯于鄆。

鄆衛地今東郡鄆城也齊桓修霸業卒平宋亂宋人服從欲歸功天子故赴以單伯會諸侯為文。鄆音絹。今山東東昌府濮州東二十里舊城集故鄆城也。

傳十四年春諸侯伐宋齊請師于周。齊欲崇天子故請師假王命以示大

順經書人傳言諸侯總衆國之辭。夏單伯會之取成于宋而還。鄭氏王于單伯逆王姬誤為送至是附成其說。故以為齊請師而單伯王臣會之也。

○鄭厲公自櫟侵鄭。厲公以桓十五年入櫟遂居之。及大陵獲傅瑕。

傅瑕鄭大夫。今河南開封府臨潁縣北十里有大陵城。傅瑕曰苟舍我吾請納君與之

盟而赦之。六月甲子傅瑕殺鄭子及其二子而納

莊公

莊公

莊公

莊公

莊公

莊公

莊公

莊公

莊公

莊公

厲公

鄭子莊四年稱伯會諸侯今見殺不稱君無謚者微弱臣子不以君禮成喪告諸侯

初內蛇與外蛇

鬪於鄭南門中內蛇死六年而厲公入公聞之問

於申繻曰猶有妖乎

猶由通

對曰人之所忌其氣燄以

取之妖由人興也

尚書洛誥無若火始燄燄未盛而進退之時以喻人心不堅正

人無覺焉

妖不自作人弃常則妖興故有妖

孔疏人之所忌謂子儀畏懼厲公心不堅正

其畏忌之氣燄燄未盛而進退之時以取此妖來應人也若使人無覺隙焉則妖孽不能自作弃常謂既不能彊又不能弱失常度也厲公

入遂殺傅瑕使謂原繁曰傅瑕貳

言有二心於已

周有常刑

既伏其罪矣納我而無二心者吾皆許之上大夫

之事吾願與伯父圖之

上大夫卿也伯父謂原繁疑原繁有二心

且寡人出伯

父無裏言

無納我之言

入又不念寡人

不親附已

寡人憾焉對曰

先君桓公命我先人典司宗祏

桓公鄭始受封君也宗祏宗廟中藏主石室言已世

為宗廟守臣

社稷有主而外其心其何貳如之苟主社稷

國內之民其誰不為臣臣無二心天之制也子儀

在位十四年矣

子儀鄭子也

而謀召君者庸非貳乎

庸用也

莊

公之子猶有八人若皆以官爵行賂勸貳而可以濟

事君其若之何臣聞命矣乃縊而死

莊公子猶有八人傳唯見四人子忽子甕

子儀並死獨厲公在八人名字記傳無聞

○蔡哀侯為莘故繩息媯以語楚子

莘役在十年繩楚譽也○語去聲

子如息以食入享遂滅息偽設享食之具○食音嗣以息媯歸生堵

敖及成王焉未言未與王言○堵丁古反楚子問之對曰吾一婦

人而事二夫縱弗能死其又奚言楚子以蔡侯滅

息遂伐蔡欲以說息媯秋七月楚入蔡君子曰商書所謂

惡之易也如火之燎于原不可鄉邇其猶可撲滅

者其如蔡哀侯乎商書盤庚言惡易長而難滅

○冬會于鄆宋服故也

經十有五年春齊侯宋公陳侯衛侯鄭伯會于鄆

○夏夫人姜氏如齊無傳夫人文姜齊桓公姊妹父母在則禮有歸寧沒則使卿寧○秋宋

人齊人邾人伐郟宋主兵故序齊上○鄭人侵宋○冬十月

傳十五年春復會焉齊始霸也始為諸侯長

○秋諸侯為宋伐郟郟附庸屬宋而叛故齊桓為之伐郟鄭人間之而侵

宋

經十有六年春王正月○夏宋人齊人衛人伐鄭

宋主兵也班序上下以國大小為次征伐則以主兵為先春秋之常也他皆放此○秋荆伐鄭○冬十有

二月會齊侯宋公陳侯衛侯鄭伯許男滑伯滕子

同盟于幽書會魯會之不書其人微者也言同盟服異也陳國小每盟會皆在衛下齊桓始霸楚亦始彊陳侯介於二大國之間而為

三恪之客故齊桓因而進之遂班在衛上終於春秋滑國都費河南緱氏縣幽宋地○費扶味反○公羊經會上有公字緱氏故城在今河南開封府偃師

縣南二十里幽當在今河南歸德府考城縣境 ○邾子克卒 無傳克儀父名稱子者蓋齊桓請王命以為諸侯再同盟

傳十六年夏諸侯伐鄭宋故也 鄭侵宋故○張氏洽曰伐鄭不止為宋而已蓋鄭不服則

諸侯之心未一也

○鄭伯自櫟入 在十四年 緩告于楚秋楚伐鄭及櫟為不禮故也

○鄭伯治與於雍糾之亂者 在桓十五年 九月殺公子

闕則強鉏 二子祭仲黨斷足曰刑 公父定叔出奔衛 共叔段之孫定謚也 三年

而復之曰不可使共叔無後於鄭使以十月入曰

良月也就盈數焉 數滿于十 君子謂強鉏不能衛其足 其言

不能早辟害

○冬同盟于幽鄭成也

○王使虢公命曲沃伯以一軍為晉侯 曲沃武公遂并晉國僖王因就

命為晉侯小國故一軍 初晉武公伐夷執夷詭諸 夷詭諸周大夫夷米地名 為國請

而免之 為國周大夫為于委反 既而弗報 詭諸不報施於為國 故子國作亂謂

晉人曰與我伐夷而取其地 使晉取夷地 遂以晉師伐夷

殺夷詭諸周公忌父出奔虢 周公忌父王卿士辟子國之難 惠王立而

復之 魯桓十五年經書桓王崩魯莊三年經書葬桓王自此以來周有莊王又有僖王崩葬皆不見於經傳王室微弱不能復自通於諸侯故

傳因周公忌父之事而見惠王惠王立在此年之末○按史記年表惠王即位當魯莊十八年

經十有七年春齊人執鄭詹

齊桓始霸鄭既伐宋又不朝齊詹為鄭執政大臣詣齊見執不稱行人罪之也行人例在襄十一年諸執大夫皆稱人以執之大夫賤故人討而盡殺之故時史因以自盡為文○殲子庶反苟免書逃

○夏齊人殲于遂

殲盡也齊人成遂既而無備遂死以解國患而遁逃

○冬多麋

無傳麋多則害五稼故以災書

傳十七年春齊人執鄭詹鄭不朝也

○孫氏復曰十二月同盟于幽不稱行人

者會未歸而見執也

○夏遂因氏領氏工婁氏須遂氏饗齊成醉而殺

之齊人殲焉

饗酒食也四族遂之彊宗齊滅遂成之在十三年○領烏納反

經十有八年春王三月日有食之

無傳不書日官失之

○夏公

追戎于濟西

戎來侵魯公逐之於濟水之西

○秋有彘

彘短狐也蓋以含沙射人為災○彘音或本草

謂之射工 ○冬十月

傳十八年春虢公晉侯朝王王饗醴命之宥

王之親羣后始

則行饗禮先置醴酒示不忘古飲宴則命以幣物宥助也所以助勸敬之意言備設○時惠王新即位

皆賜王五穀馬

三匹非禮也

雙玉為穀○穀音角

王命諸侯名位不同禮亦異

數不以禮假人

侯而與公同賜是借人禮

○虢公晉侯鄭伯使原莊公逆王后于陳陳嬀歸

于京師

虢晉朝王鄭伯又以齊執其卿故求王為援皆在周倡義為王定昏陳人敬從得同姓宗國之禮故傳詳其事不書不告

實

惠后

陳嬀後號惠后寵愛少子亂周室事在僖二十四年故傳於此並正其后稱

○夏公追戎于濟西不言其來諱之也戎來侵魯魯人不知去乃追之

故諱不言其來

○秋有蜚為災也

○初楚武王克權使鬬緡尹之權國名南郡當陽縣東南有權城鬬緡楚大夫○水經注

沔水東會權口南流逕權城北古之權國也今屬湖廣安陸府以叛圍而殺之緡以權叛遷權於那

處那處楚地南郡編縣東南有那口城○那乃多反處昌呂反○那口城在今安陸府荆門州東南使閻敖尹之閻敖楚大夫

及文王即位與巴人伐申而驚其師驚巴師巴人叛楚

而伐那處取之遂門于楚攻楚城門閻敖游涌而逸涌水在南郡華

容縣閻敖既不能守城又游涌水而走○涌音勇楚子殺之其族為亂冬巴人因之

以伐楚

經十有九年春王正月○夏四月○秋公子結媵

陳人之婦于鄆遂及齊侯宋公盟無傳公子結魯大夫公羊穀梁皆以為魯女媵

陳侯之婦其稱陳人之婦未入國略言也大夫出竟有可以安社稷利國家者則專之可也結在鄆聞齊宋有會權事之宜去其本職遂與二君為盟故備書之本非魯公意而又失媵陳之好故冬各來伐○程子曰鄆之巨室嫁女于陳人結以其庶女媵之因與齊宋盟摯之以往○夫人姜

氏如莒無傳非父母國而往書姦○冬齊人宋人陳人伐我西部無傳

幽之盟魯使微者會鄆之盟又使媵臣行所以受敵鄙邊邑○黃氏震曰諸家多謂齊宋怒結抗君而來若止怒結之抗不受其預盟足矣伐我者必其素謀耳

傅十九年春楚子禦之大敗於津禦巴人為巴人所敗津楚地或曰江陵縣有津

耳

傅十九年春楚子禦之大敗於津禦巴人為巴人所敗津楚地或曰江陵縣有津

鄉。在今湖廣。還鬻拳弗納。遂伐黃。鬻拳楚大閹黃贏。姓國今弋陽縣。敗黃。

師于踏陵。踏陵黃地。踏在亦反。當在今河南汝寧府光州西南境。還及湫有疾。南郡都縣東南有湫城。

亦自殺也。而葬於經皇。經皇家前闕生守門故。死不失職。經田結反。初鬻拳強

諫楚子。楚子弗從。臨之以兵。懼而從之。鬻拳曰。吾

懼君以兵。罪莫大焉。遂自刎也。楚人以為大閹。謂

之大伯。若今城門校尉官。強其丈反。犬伯音泰。孔疏鬻拳本是大臣。楚人以其賢使典此職。非為刑而役之。伯長也。為門官之長。

使其後掌之。使其子孫常主此官。君子曰。鬻拳可謂愛君矣。諫

以自納於刑。刑猶不忘納君於善。言愛君明非臣法也。楚能盡其忠愛所以興。

○初王姚嬖于莊王。生子頹。王姚莊王之妾也。姚姓也。子頹有寵。為

國為之師。及惠王即位。周惠王。莊王孫。取為國之圃。以為囿。

邊伯之宮。近於王宮。王取之。邊伯周大夫。王奪子禽

祝跪與詹父田。三子周大夫。而收膳夫之秩。膳夫石速也。秩祿也。故為

國邊伯。石速。詹父子禽。祝跪作亂。因蘇氏。蘇氏周大夫。桓王奪其十

克出奔温。温蘇氏邑。蘇子奉子頹以奔衛。衛師伐周。

冬立子頹。燕南。

經二十年春。王二月。夫人姜氏如莒。無傳。○夏齊大

災無傳來告以大故書天○秋七月○冬齊人伐我無傳○張氏洽

曰戎在徐州之域最近齊魯故先治之

傳二十年春鄭伯和王室不克克能也執燕仲父燕仲父南

燕伯為夏鄭伯遂以王歸王處于櫟秋王及鄭伯入

于鄔鄔王所取鄭邑○鄔音鳩遂入成周取其寶器而還冬王子頹

享五大夫樂及徧舞皆舞六代之樂鄭伯聞之見虢叔叔虢公字曰

寡人聞之哀樂失時殃咎必至今王子頹歌舞不

倦樂禍也夫司寇行戮司寇刑官君為之不舉去盛而况敢

樂禍乎奸王之位音干奸禍孰大焉臨禍忘憂憂必及

之盍納王乎虢公曰寡人之願也○王氏錫爵曰子頹以庶孽而奸王位殃咎固

所必至者奚俟哀樂失時而知之抑微此將不納王乎

經二十有一年春王正月○夏五月辛酉鄭伯突

卒十六年與魯大夫盟于幽○秋七月戊戌夫人姜氏薨無傳薨寢祔姑赴於諸侯故具

小君禮書之○冬十有二月葬鄭厲公無傳八月乃葬緩慢也

傳二十一年春晉命于弭夏同伐王城鄭虢相命也弭鄭地○弭面爾

反○當在今河南開封府禹州密縣境鄭伯將王自圍門入虢叔自北門入

殺王子頹及五大夫鄭伯享王于闕西辟樂備闕象

魏也樂備備六代之樂○西辟西偏也王與之武公之畧自虎牢以東畧界

界畧

也鄭武公傳平王平王賜之自虎牢以東後失其地故惠王今復原伯曰

與之虎牢河南成皋縣今開封府鄭州汜水縣西有虎牢城

鄭伯效尤其亦將有咎原伯原莊公也言效子顏舞徧樂五月鄭厲公

卒王巡虢守巡守於虢國也天子省左謂之巡守守音狩虢公為王宮于珪珪地。珪蒲項反。在今河南河南府澠池縣界

王與之酒泉酒泉周邑。今陝西西安府同州有甘泉出墮谷中造酒尤美名酒

鄭伯之享王也王以后之鞶鑑予之后王后也鞶帶而以鑑為飾也

於王為僖二十四年鄭執王使張本冬王歸自虢傳言王之偏也

經二十有二年春王正月肆大眚無傳赦有罪也易稱赦過宥罪書稱眚災肆赦

傳稱肆眚圍鄭皆放赦罪人盪滌眾故以新其心有時而用之非制所常故書

○眚所景反。孔疏肆緩也。眚過也。緩縱大過是赦有罪也。大過猶赦則小罪亦

赦之。○癸丑葬我小君文姜無傳反哭成喪故稱小君○陳人殺其公

子御寇宣公太子也陳人惡其殺太子之名故不稱君父以國討公子告○夏五月○秋七

月丙申及齊高傒盟于防無傳高傒齊之貴卿而與魯之微者盟齊桓謙接諸侯以宗霸業

○冬公如齊納幣無傳公不使卿而親納幣非禮也母喪未再期而圖昏二傳不

見所譏左氏又無傳失禮明故

傳二十二年春陳人殺其太子御寇傳稱太子以實言陳公

子完與顓孫奔齊公子完顓孫皆御寇之黨。史記陳世家宣公嬖姬生子款欲立之乃殺其太子御寇御寇素

愛厲公子完完懼禍及己乃奔齊按胡傳謂稱人顓孫自齊來奔不

非齊侯使敬仲為卿敬仲陳公子完辭曰羈旅之臣羈寄也幸

旅客也

若獲宥及於寬政宥赦也赦其不閑於教訓而免於罪

戾弛於負擔弛去離也君之惠也所獲多矣敢辱高位以

速官謗敢不敢也請以死告以死自誓詩云翹翹車乘招我以弓

豈不欲往畏我友朋逸詩也翹翹遠貌古者聘士以弓言雖貧顯命懼為朋友所譏責○乘去聲使

為工正掌百工之官飲桓公酒樂齊桓賢之故就其家會據主人之辭故言飲桓公酒○飲去聲公

曰以火繼之辭曰臣卜其晝未卜其夜不敢君子

曰酒以成禮不繼以淫義也淫飲為淫樂以君成禮弗納

於淫仁也初懿氏卜妻敬仲懿氏陳大夫龜曰卜○妻去聲其妻占之

曰吉懿氏妻是謂鳳皇于飛和鳴鏘鏘雄曰鳳雌曰皇雄雌俱飛相和而鳴鏘鏘然猶

敬仲夫妻相隨適齊有聲譽有媯之後將育于姜媯陳姓姜齊姓五世其昌竝

于正卿八世之後莫之與京京大也陳厲公蔡出也姊

之子故蔡人殺五父而立之五父陳佗也殺陳佗在桓六年生敬仲其少

也周史有以周易見陳侯者周太史也陳侯使筮之著曰筮遇

觀三三坤下巽上觀○觀古亂反下皆同之否三三坤下乾上否觀六四爻變而為否曰是謂觀

國之光利用賓于王此周易觀卦六四爻辭易之為書六爻皆有變象又有互體聖人隨其義而論之此

其代陳有國乎不在此其在異國非此其身在其

子孫光遠而自他有耀者也坤土也巽風也乾天

也風為天於土上山也巽變為乾故曰風為天自二至四有艮象艮為山有山之材

而照之以天光於是乎居士上山則材之所生上有乾下有坤故言居士上照之以天光

故曰觀國之光利用賓于王四為諸侯變而之乾有國朝王之象。按利用賓于王五字衍

庭實旅百奉之以玉帛天地之美具焉故曰利用

賓于王艮為門庭乾為金玉坤為布帛諸侯朝王陳贊幣之象旅陳也百言物備猶有觀焉故曰其

在後乎因觀文以博占故言猶有觀非在已之言故知在子孫風行而著於土故曰其

在異國乎若在異國必姜姓也姜太嶽之後也姜姓之先

為堯四嶽著直略反山嶽則配天物莫能兩大陳衰此其昌乎

變而象艮故知當興於大嶽之後得大嶽之權則有配天之大功故知陳必衰及陳之初亡也昭八年楚滅陳陳桓

子始大於齊桓子敬仲五世孫陳無宇其後亡也哀十七年楚復滅陳成子得政

成子陳常也敬仲八世孫陳完有禮於齊子孫世不忘德德協于下故傳備言其終始卜筮者聖人所以定猶豫決疑似因生義教者也尚書洪範通龜筮以同卿士之數南蒯卜亂而遇元吉惠伯答以忠信則可臧會卜僭遂獲其應邱明故舉諸縣駢於行事者以示來世而君子志其善者遠者他皆放此

經二十有三年春公至自齊無傳祭叔來聘無傳穀梁以祭

叔為祭公來聘魯天子內臣不得外交故不言使不與其得使聘。啖氏助曰私行假言聘故不言王使以譏之趙氏與權曰祭有祭公祭伯祭叔意者叔其弟也伯其爵也公其官也夏公如齊觀社齊因祭社蒐軍實故公往觀之公至自齊

無傳荆人來聘無傳不書荆子使某來聘君臣同辭者蓋楚之始通未成其禮公及齊侯

遇于穀無傳蕭叔朝公無傳蕭附庸國叔名就穀朝公故不言來凡在外朝則禮不得具嘉禮不野合

秋丹桓宮楹桓公廟也楹柱也冬十有一月曹伯射姑

卒無傳未同盟而赴以名十有二月甲寅公會齊侯盟于扈無傳

春秋三傳注卷三 莊公 三

扈鄭地在滎陽卷縣西北○卷音權○
今河南開封府原武縣西北扈亭是也

傳二十三年夏公如齊觀社非禮也曹歲諫曰不

可夫禮所以整民也故會以訓上下之則制財用

之節貢賦多少朝以正班爵之義帥長幼之序征伐以討

其不然不然不諸侯有王從王王有巡守省四以大習之

大習會非是君不舉矣君舉必書書於策書而不法後嗣

何觀

○晉桓莊之族偏桓叔莊伯之子孫強盛偏迫公室獻公患之士為曰去

富子則羣公子可謀也已士為晉大夫富子二族之富強者去上聲下同公曰爾

試其事士為與羣公子謀譖富子而去之以罪狀誣之同族惡其富

強故士為得因而間之用其所親為譖則似信離其骨肉則黨弱羣公子終所以見滅

○秋丹桓宮之楹

經二十有四年春王三月刻桓宮楹刻鏤也楹椽也將逆夫人故為盛飾

葬曹莊公無傳○夏公如齊逆女無傳親逆禮也○秋公至自

齊無傳○八月丁丑夫人姜氏入哀姜也公羊傳以為姜氏要公不與公俱入蓋以孟任故

戊寅大夫宗婦覲用幣宗婦同姓大夫之婦禮小君至

大水無傳○冬我侵曹無傳

曹羈出奔陳無傳羈蓋曹世子也先君既葬而不稱爵者微弱不能自定曹人以名赴赤歸于曹無傳

赤曹僖公也蓋為
戎所納故曰歸
○郭公
無傳蓋經闕誤也自曹羈以下公羊穀梁之說既不了又不可通之於左氏故不採用

傳二十四年春刻其桷皆非禮也
并非丹楹故言皆御孫諫

曰臣聞之儉德之共也侈惡之大也
御孫魯大夫共音恭先君

有共德而君納諸大惡無乃不可乎
以不丹楹刻桷為共

○秋哀姜至公使宗婦覲用幣非禮也
傳不言大夫唯舉非常御

孫曰男贄大者玉帛
公侯伯子男執玉皆侯世子附庸孤卿執小者禽鳥
卿執

以章物也
章所執之物別貴賤女贄不過榛栗棗脩以

告虔也
榛小栗脩脯虔敬也皆取其名以示敬今男女同贄是無別也男女

之別國之大節也而由夫人亂之無乃不可乎

○晉士蔿又與羣公子謀使殺游氏之二子
游氏二子亦桓

士蔿告晉侯曰可矣不過二年君必無患
莊之族

經二十有五年春陳侯使女叔來聘
女叔陳卿女氏叔字○女音汝

夏五月癸丑衛侯朔卒
無傳惠公也書名十六年與內大夫盟于幽○六月辛

未朔日有食之鼓用牲于社
鼓伐鼓也用牲以祭社傳例曰非常也○伯姬

歸于杞
無傳不書逆女逆者微○秋大水鼓用牲于社于門
門國門也傳例

○冬公子友如陳
無傳報女叔之聘諸魯出朝聘皆書如不果彼國必成其禮故不稱朝聘春秋之常

也公子友莊公之母弟稱公子者史策之通言母弟至親異於他臣其相殺害則稱弟以示義至於嘉好之事兄弟篤睦非例所興或稱弟或稱公子仍

舊史之文也母弟例在宣十七年

傳二十五年春陳女叔來聘始結陳好也嘉之故

不名季友相魯原仲相陳二人有舊故女叔來聘季友冬亦報聘嘉好接備卿以字為嘉則稱名其常也○穀梁傳其不名何也天子之命大夫也

○夏六月辛未朔日有食之鼓用牲于社非常也

非常鼓之月長歷推之辛未實七月朔置閏失所致致月錯謂正陽之月今書六月而傳云唯者明此月非正陽月也隱陰氣 日有食之於是乎用幣于

社伐鼓于朝日食歷之常也然食於正陽之月則諸侯用幣于社請救於上公伐鼓于朝退而自責以明陰不宜侵陽臣不宜掩君以 秋大水鼓用牲于社于門亦非常也失常禮 凡

天災有幣無牲天災日月食大水也祈請而已不用牲也 非日月之眚不鼓眚猶

災也月侵日為眚陰陽逆順之事賢聖所重故特鼓之

○晉士蔿使羣公子盡殺游氏之族乃城聚而處

之聚晉邑 冬晉侯圍聚盡殺羣公子卒如士為之計

經二十有六年春公伐戎無傳 ○夏公至自伐戎無傳

○曹殺其大夫無傳不稱名非其罪例在文七年○家氏鉉翁曰曹殺其大夫不惟譏其專殺又誅其濫殺曹亦挾戎援以篡兄之國又挾戎威以去兄之黨所殺者必皆無罪而又止一人魯史不得其姓名是以闕之耳 ○秋公會宋人

齊人伐徐無傳宋序齊上主兵 ○冬十有二月癸亥朔

日有食之無傳

傳二十六年春晉士蔿為大司空大司空卿官 夏士蔿城

絳以深其宮絳晉所都也今平陽絳邑縣今為絳縣屬山西平陽府

春秋傳上注卷三 莊公

○秋虢人侵晉冬虢人又侵晉為傳明年晉將伐虢張本此

是且文或策書雖存而簡牘散落不究其本末故傳不復申解但言傳事而已

經二十有七年春公會杞伯姬于洮伯姬莊公女洮魯地洮徒刀反○今山東

東昌府濮州南五十里有洮城

○夏六月公會齊侯宋公陳侯鄭伯同盟于幽○秋公子友如陳葬原仲原仲陳大夫原氏仲字也禮臣既卒不名故稱

字季友違禮會外大夫葬具見其事亦所以知譏○冬杞伯姬來傳例曰歸寧○莒慶來逆

叔姬無傳慶莒大夫叔姬莊公女卿自為逆則稱字例在宣五年○杞伯來朝無傳杞稱伯者蓋為時王所黜

○李氏廉曰杞之為侯本無所據注左氏者泥於桓公編杞侯之誤爾○公會齊侯于城濮無傳城濮衛地

將討衛也

傳二十七年春公會杞伯姬于洮非事也非諸侯之事天子非展義不巡守天子巡守所以宣布德義諸侯非民事不舉卿非君命不越竟

○夏同盟于幽陳鄭服也二十二年陳亂而齊納敬仲二十五年鄭文公之四年獲成於楚皆有二

心於齊今始服也

○秋公子友如陳葬原仲非禮也原仲季友之舊也

○冬杞伯姬來歸寧也寧問父母安否凡諸侯之女歸寧曰來出曰來歸歸不反之辭夫人歸寧曰如某出曰歸于某

○冬杞伯姬來歸寧也寧問父母安否凡諸侯之女歸寧曰來出曰來歸歸不反之辭夫人歸寧曰如某出曰歸于某

○冬杞伯姬來歸寧也寧問父母安否凡諸侯之女歸寧曰來出曰來歸歸不反之辭夫人歸寧曰如某出曰歸于某

○冬杞伯姬來歸寧也寧問父母安否凡諸侯之女歸寧曰來出曰來歸歸不反之辭夫人歸寧曰如某出曰歸于某

○冬杞伯姬來歸寧也寧問父母安否凡諸侯之女歸寧曰來出曰來歸歸不反之辭夫人歸寧曰如某出曰歸于某

○冬杞伯姬來歸寧也寧問父母安否凡諸侯之女歸寧曰來出曰來歸歸不反之辭夫人歸寧曰如某出曰歸于某

○晉侯將伐虢。士為曰：不可。虢公驕，若驟得勝於我，必弃其民。弃民不養之無眾而後伐之，欲禦我，誰與？夫

禮樂慈愛，戰所畜也。○孔疏：謂國君教民，民間有此四者，畜聚此事，然後可與人戰。故云戰所畜也。夫

民讓事，樂和愛親，哀喪而後可用也。上之使民以義讓，哀樂為本，言不可

力強。畜，勅。六反。下同。虢弗畜也。亟戰將饑。言虢不畜義讓而力戰。亟，其異反。

○王使召伯廖賜齊侯命。召伯廖，王卿士。賜命為侯伯。廖，力彫反。且請伐衛。

以其立子頹也。立子頹在十九年。

經二十有八年春，王三月甲寅，齊人伐衛。衛人及

齊人戰，衛人敗績。齊侯稱人者，諱取賂而還。以賤者告不地者，史失之。○夏四月丁未

邾子貜卒。無傳，未同盟而赴以名。○秋，荆伐鄭，公會齊人、宋人，救

鄭。○冬，築郿。郿，魯下邑。傳例曰：邑曰築。○郿，芒悲反。公穀作微。今山東兗州府東平州西有微鄉城。○大無

麥禾。書於冬者，五穀畢入。計食不足而後書也。臧孫辰告糴于齊。臧孫辰，魯大夫。臧文仲。

傳二十八年春，齊侯伐衛，戰敗，衛師數之以王命

取賂而還。○汪氏克寬曰：衛立子頹，其罪固不容誅。然已越十年而衛君又易世矣。當其時不能治後之人何罪，且受賂而不能伸

天計。雖曰齊以將卑師少稱人非貶。而比事觀之，齊桓亦不可以無責矣。

○晉獻公娶于賈，無子。賈，姬姓國也。烝於齊姜。齊姜，武公妾。生秦

穆夫人及太子申生。又娶二女於戎，大戎狐姬生

重耳。大戎，唐叔子孫，別在戎狄者。○當在今陝西延安府境。重平聲。小戎子生夷吾。小戎，允姓之戎子女也。

此即瓜州之允姓戎也故瓜州在
今陝西肅州府西五百二十六里
晉伐驪戎驪戎男女以驪姬
歸生奚齊其

弟生卓子驪姬嬖欲立其子賂外嬖梁五與東關

嬖五姓梁名五在閼闕之外者東關嬖五別在關塞者亦名五皆大夫為獻公所嬖倖視聽外事使言於公曰

曲沃君之宗也曲沃桓叔所封先君宗廟所在蒲與二屈君之疆也蒲今平陽蒲子縣二屈今平陽北屈縣或云二當為北屈求勿反今隰州東北有蒲子故城吉州東北二十里有北屈廢縣俱屬山西平陽府不

可以無主宗邑無主則民不威疆場無主則啓戎

心戎之生心民慢其政國之患也若使太子主曲

沃而重耳夷吾主蒲與屈則可以威民而懼戎且

旌君伐旌章也使俱曰狄之廣莫於晉為都晉之啓

土不亦宜乎廣莫狄地之曠絕也即謂蒲子北屈也言遣二公子出都之則晉方當大開土界獻公未決故復使二五俱說晉侯說之夏使太子

居曲沃重耳居蒲城夷吾居屈羣公子皆鄙鄙邊邑唯

二姬之子在絳二五卒與驪姬譖羣公子而立奚

齊晉人謂之二五耦二耦相耦廣一尺共起一伐言二人俱共舉傷晉室若此

楚令尹子元欲盡文夫人文王夫人息嬀也子元文王弟蠱惑以淫事為館

於其宮側而振萬焉振動也夫人聞之泣曰先君以

是舞也習戎備也今令尹不尋諸仇讎而於未亡

莊公

是

人之側不亦異乎尋用也婦人既寡自稱未亡人御人以告子元御人夫

子元曰婦人不忘襲讎我反忘之秋子元以車六

百乘伐鄭入于桔柣之門桔柣鄭遠郊之門也。桔戶結反。柣待結反。子元鬪

御彊鬪梧耿之不比為旆子元自與三子特建旆以居前。緇廣充幅長尋曰旆。繼旆曰旆鬪。

班王孫游王孫喜殿三子在後為殿。禦。殿丁見反。衆車入自純門及

達市純門鄭外郭門也。達市郭內道上市。縣門不發楚言而出子元曰鄭

有人焉縣門施于內城門鄭示楚以閒暇故不閉城門。出兵而效楚言故子元畏之不敢進。縣音玄。諸侯救鄭

楚師夜遁鄭人將奔桐邱許昌縣東北有桐邱城。許昌故城在今河南開封府許州東北四十里。

謀告曰楚幕有烏乃止謀闕也。幕帳也。

○冬饑臧孫辰告糴于齊禮也經書大無麥禾傳言饑傳又先書饑在築郟上者說始糴

經在下須得糴嫌或諱饑故曰禮。孔疏世本曰孝公生僖伯彊彊生哀伯達達生伯氏餅餅生文仲辰辰是僖伯曾孫

○築郟非都也凡邑有宗廟先君之主曰都無曰

邑邑曰築都曰城周禮四縣為都四井為邑然宗廟所在則雖邑曰都尊之也言凡邑則他築非例

經二十有九年春新延廡傳例曰書不時言新者皆舊物不可用更造之辭○夏

鄭人侵許傳例曰無鐘鼓曰侵○秋有蜚傳例曰有蜚味反○冬十有二

月紀叔姬卒無傳紀國雖滅叔姬執節守義故繫之紀賢而錄之○城諸及防諸防皆魯邑傳例曰書時

也諸非備難而興作傳皆重云時以釋之他皆放此諸今城陽諸縣

傳二十九年春新作延廡書不時也經無作字蓋闕凡馬日

中而出日中而入

日中春秋分也治既當以秋分因馬向入而修之今以春作故曰不時

○夏鄭人侵許凡師有鐘鼓曰伐

聲其罪無曰侵

輕曰襲

掩其不備輕去聲

○秋有蜚為災也凡物不為災不書

○冬十二月城諸及防書時也凡土功龍見而畢

務戒事也

謂今九月周十一月龍星角亢晨見東方三務始畢戒民以土功事。見音現

火見而致

用

大火心星次角亢見者致築作之物

水昏正而栽

謂今十月定星昏而中於是樹板幹而興作。栽音再說文云築牆長板

日至而畢

日南至微陽始動故土功息

○樊皮叛王

樊皮周大夫樊其采地皮名

經三十年春王正月○夏次于成

無傳將卑師少故直言次齊將降障故設備

公穀次上有師字

○秋七月齊人降鄆

無傳鄆紀附庸國東平無鹽縣東北有鄆城小國孤危不能自固蓋

齊遙以兵威脅使降附。降戶江反鄆音章今山東兗州府東平州東六十里有鄆城集即鄆故城也

○八月癸亥葬

紀叔姬

無傳以賢錄也無臣子故不作謚

○九月庚午朔日有食之鼓用

牲于社

無傳

○冬公及齊侯遇于魯濟

濟水歷齊魯界在齊界為齊濟在魯界為

魯濟蓋魯地

○齊人伐山戎

山戎北狄

傳三十年春王命虢公討樊皮夏四月丙辰虢公

入樊執樊仲皮歸于京師

○楚公子元歸自伐鄭而處王宮

欲遂蠱文夫人

鬪射師諫

則執而梏之

射師鬪廉也。足曰桎，手曰梏。孔疏杜以射師與鬪廉為一人，不知何據。服虔云：射師若敖子鬪班也。射師被

梏不言舍之，何以得殺子元也。知射師與班必非一人。射音石。秋申公鬪班殺子元

申楚縣楚僭號縣，皆稱於菟。公鬪穀於菟為令尹，自毀其家以紓楚國之難。

令尹子文也。毀滅紓緩也。穀，奴走反。於菟音烏。徒紓音舒。

○冬遇于魯濟，謀山戎也。以其病燕，故也。齊桓行霸，故欲為燕謀難。

燕國今薊縣。今直隸順天府大興縣是也。

經三十有一年春，築臺于郎。無傳。刺奢且非土功之時。○夏四月，薛

伯卒。無傳。未同盟。○築臺于薛。無傳。薛魯地。今山東兗州府滕縣東南有薛城。○六月，齊

侯來獻戎捷。傳例曰：諸侯不相遺俘，捷獲也。獻奉上之辭。齊侯以獻捷禮來，故書以示過。○秋，築臺

于秦。無傳。東平范縣西北有秦亭。在今山東東昌府范縣南三里。○冬，不雨。無傳。不書旱，不為災。例在僖三年。

傳三十一年夏六月，齊侯來獻戎捷，非禮也。凡諸

侯有四夷之功，則獻于王。王以警于夷。以警懼夷狄。中國

則否，諸侯不相遺俘。雖夷狄俘猶不以相遺。遺去聲。

經三十有二年春，城小穀。小穀，齊邑。濟北穀城縣城中有管仲井。大都以名通者，則不繫國。穀梁

傳范氏注：小穀魯邑也。孫氏復曰：曲阜西北有小穀城。程氏迥曰：齊地別有穀在濟北，有管仲井，非小穀也。○夏，宋公齊

侯遇于梁邱。齊善宋之請，見故進其班。梁邱在高平昌邑縣西南。今山東兗州府城武縣東北三十里有梁邱山。山南有梁

邱城。汪氏克寬曰：盟會則序主會者居上。若遇則以簡禮相見。比于不期而邂逅，莫適為主，故以爵之尊卑為序。爵同則以國大小為序。○秋

七月癸巳，公子牙卒。牙慶父同母弟僖叔也。飲酖而死，不以罪告。故得書卒。書日者，公有疾，不責公，不與小斂。

於音烏

○陸氏淳曰：季子恩義俱立，變而得中。○八月癸亥，公薨于路。

夫子書其自卒，以示無譏。酖，直陰反。○冬十月己未，子般卒。子般，莊公大子。先君未葬，故不稱爵。

不書殺諱之。○公子慶父如齊。無傳。慶父既弑，子般季友出奔，國人假赴告之禮而行。○劉氏敞曰：非也。傳云：成季奔陳，立閔公。然則立閔公者，必慶父也。慶父雖殺子般，未敢便取其國。利閔公之幼而立焉，其如齊者，真告立君也。

又何假矣。○狄伐邢。無傳。邢國在廣平襄國縣。襄國故城在今直隸順德府邢臺縣西南。

傳三十二年春，城小穀，為管仲也。公感齊桓之德，故為管仲城私邑。○趙氏鵬飛曰：左氏非國史，以其所聞取經文之近者合之。昭十一年，楚申無宇曰：齊桓公城穀而直管仲焉。于今賴之，而莊三十二年，偶有城小穀之事。左氏遂曰：為管仲也。是取申無宇之言而偶合之也。

○齊侯為楚伐鄭之故，請會于諸侯。楚伐鄭在二十八年，謀為鄭報楚。宋

公請先見于齊侯。音現。夏，遇于梁邱。

○秋七月，有神降于莘。有神聲以接人。莘，號地。惠王問諸內史過

曰：是何故也。內史，過周大夫。過，平聲。對曰：國之將興，明神降之，監

其德也。將亡，神又降之，觀其惡也。故有得神以興，

亦有以亡。虞夏商周皆有之。亦有神異。王曰：若之何？對曰：

以其物享焉。其至之日，亦其物也。享，祭也。若以甲乙日至，祭先脾，玉用蒼服，上青。

以此類祭之。王從之。內史過往，聞號請命。聞號請於神求賜土田之命。反曰：

號必亡矣。虐而聽於神，神居莘。六月，號公使祝應

宗區史囂享焉。神賜之土田。祝，大祝。宗，宗人。史，大史。應，區。囂，皆名。○囂，五巾反。大音泰。史

莊公

春秋左傳卷之三

莊公

莊公

莊公

莊公

莊公

莊公

莊公

嚚曰：號其亡乎？吾聞之，國將興，聽於民；政順民心將亡，聽

於神。求福於神神聰明正直而壹者也，依人而行。唯德是與號多

涼德，其何土之能得？涼薄也為僖二年晉滅下陽傳

○初，公築臺，臨黨氏。黨氏魯大夫築臺不書不告廟。黨音掌見孟任從之，闕

孟任，黨氏女，闕不從。公。任平聲。闕音秘而以夫人言許之。許以為夫人割臂盟，公生

子般焉。雩，講于梁氏女公子觀之。雩，祭天也。講，肆也。梁氏魯大夫女公子。子般，妹

圍人犖，自墻外與之戲。圍人，掌養馬者，以慢言戲之。犖音洛子般怒，使鞭

之，公曰：不如殺之，是不可鞭。犖有力焉，能投蓋于

稷門。蓋，覆也。稷門，魯南城門。而自投接其屋之棟，反覆門上公疾，問後於叔牙，對曰：慶

父材。蓋欲進其同母兄問於季友，對曰：臣以死奉般。季友，莊公母弟，故欲立般

公曰：鄉者牙曰：慶父材，成季使以君命命僖叔待

于鍼巫氏。成季，季友也。鍼巫氏，魯大夫。鄉，去聲。鍼，其廉反使鍼季醜之。醜，烏名，其羽有毒，以畫酒飲之

則曰：飲此，則有後於魯國，不然，死且無後。飲之，歸

及達泉而卒。立叔孫氏。達泉，魯地，不以罪誅，故得立後世其祿。達泉在今山東兗州府曲阜縣南五

里。八月癸亥，公薨于路寢。子般即位，次于黨氏。即喪

冬十月己未，共仲使圍人犖，賊子般于黨氏。共仲

立閔公。閔公，莊公庶子，於是年八歲。陸氏隴，其曰：讀

隱桓及文姜哀姜慶父，襄仲意如之事，未嘗不歎。周公之後，何以有興？蓋子孫之不能無不肖，如苗之不能無莠，此聖人所無如何也。然良農不能必苗

之無莠能使有莠而無傷聖人不能必後世之無不肖能使有不肖而不害
則惟其禮樂教化有以維持之耳以魯之亂至于定哀之際而猶重禮教崇
信義豈非周公
之立本者厚與

及至泉而注卷第三立閔公治國平天下

限曰澣也

于澣也

夫澣去積也

公曰澣也曰澣也曰澣也曰澣也曰澣也曰澣也曰澣也曰澣也曰澣也曰澣也

父林

同母只

問然李丈撰曰足以取奉

李丈撰曰

